

Aalisakkanit nioqutissianik uillunillu uumasunit il.il. saniatigut tunisassianik, saniatigullu tunisassiat atorlugit tunisassianik eqqussinermi uumasut nakorsaannit misissuineq pillugu Kalaallit Nunaannut nalunaarut

Uumasuni nappaatit tunillannartullu pillugit inatsisip Kalaallit Nunaanni atuutilersinneqarnissaanik peqqussummi nr. 524, 8. juni 2004-meersumi § 20, § 27, imm. 1, § 35, § 40 aamma § 41, imm. 2 naapertorlugit aalajangersarneqarpoq:

Kapitali 1

Atuuffia nassuiaatillu

§ 1. Nalunaarummi pineqarpoq tunisassianik ilanngussaq 1-imi taaneqartunik nerisassiatut aalajangigaanngitsunik Kalaallit Nunannut qanorluunniit iliorluni eqqussuineq.

Imm. 2. Tunisassiat taakku nunamit isumaqatigiissutip avataaneersumit eqqunneqarnissaat inerteqqutaavoq, taakku ilanngussaq 6-imut ilaanngippata, imaluunniit Fødevarestyrelsimit immikkut akuersisoqarsimanngippat, tak. § 43.

Imm. 3. Nalunaarummi aamma pineqarput umiarsuit nunanit isumaqatigiissutip avataaneersut Kalaallit Nunaanni umiarsualivinnut aqqusaarnerinut aamma timmisartut nunanit isumaqatigiissutip avataaneersut Kalaallit Nunaanni mittarfinnut aqqusaarnerinut atatillugu paasissutissanik paarlaasseqatigiinnerit.

§ 2. Nalunaarummi matumani nassuiaatit uku atuupput:

Imm. 2. Tunisassiat tassaasut: aalisakkanit nioqutissianik uillunillu uumasunit il.il. saniatigut tunisassiat saniatigullu tunisassianit taakkunannga tunisassiarineqartut.

Imm. 3. Aalisakkanit nioqutissiat tassaasut: uumasut tarajulimmiut imermiullu (uillut uumasut il.il. kiisalu miluumasut, paarmortut naratsillu tamaasa ilanngunnagit), piniagaappata imaluunniit kinguaassiorritaappata, kiisalu uumasunit taakkunannga nerineqarsinnaasut, aggorneri tunisassiallu tamarmik.

Imm. 4. Uillut il.il. tassaasut: qimerloqanngitsut illugiinnik qaleruallit, kapinartuusalinnik amillit, uumasut puullit aamma siuteqqut imarmiut.

Imm. 5. Qimerloqanngitsut illugiinnik qaleruallit tassaasut: qimerloqanngitsut Lamellibranchiatanut ilaasut, imaani uumasuaqqanik iisassaminnik immikkoortiterisartut.

Imm. 6. Nunat niueqatigisat tassaasut: EU-mi nunat, Norge, Island, Liechtenstein, Andorra, Savalimmiut aamma Schweiz. Nunat taakku katillugit taaneqarput niueqatigisat. Immikkoortut uku niueqatigisanut ilaanngillat:

- 1) Kunngaqafimmi Spaniami Ceuta aamma Melilla, aamma
- 2) Kunngiitsuuffimmi Frankrigimi nunat nunallu immikkoortui imarpiup akianiittut.

Imm. 7. Niueqatigiinneq tassaasoq: nioqutissianik tulluittunik Kalaallit Nunaanni tigusineq

- 1) nunami niueqatigisami allami tunisassiarineqarsimasut, imaluunniit
- 2) nunanit isumaqatigiissutip avataaneersunit aallaaveqartut, uumasullu nakorsaasa nakkutilliinerisa kingorna ingerlateqqinneqartut, nunamilu niueqatigisami Kalaallit Nunaajunngitsumi suliffeqarfimmit tigusisumiit nunamut niueqatigisamut allamut tuneqqinneqartut.

Imm. 8. Nunat isumaqatigiissutip avataaneersut tassaasut: nunat niueqatigisat avataanniittut nunat.

Imm. 9. Nassiussat tassaasut: tunisassiat uppersaammi ingiaqataatinneqartumi takuneqarsinnaasut assigisaat assigisaanillu suliarineqarsimasut. Aamma nassiussisumit tassanngaanniissapput, assartuut atorineqartoq assigiittuassalluni ataasiinnarmillu aalajangersimasumit tiguneqartussaassallutik. Kiisalu uumasut nakorsaannut nakkutilliisumut ataatsimoorlutik misissugassanngortinneqassallutik.

Imm. 10. Uumasut nakorsaannit nakkutilliineq tassaasoq:

- 1) tunisassianik, niueqatigiinnermi tiguneqartunik, Fødevarestyrelsen
 - a) tikiffissaanni misiligitissanik tigusinikkut kinaassusersiunngitsumik nakkutilliinera,
 - b) pasitsaassaqaqarnermi nakkutilliinera, tassunga ilanngullugu assartuinerup nalaani nakkutilliineq, imaluunniit
 - c) sukanganerumik nakkutilliineq,
- 2) tunisassiat, nunanit niueqatigisanit utertinneqarpata, suliffeqarfimmik tigusisumik Fødevarestyrelsen nakkutilliinera, tak. § 35.
- 3) tunisassiat, nunanit isumaqatigiissutip avataaneersunit eqquneqarpata, killeqarfimmi uumasut nakorsaata
 - a) uppersaatinik ingiaqataatinneqartussaasunik ingiaqateqartitaanerannik, tak. imm. 18, paasissutissat uppersaatiiniittut paasissutissanut siumoortumik nalunaarummi takuneqarsinnaasumiittunut naapertuunnerannik, tak. imm. 19, kiisalu paasissutissat uppersaatiiniittut naammaginaruunerannik (allagaatinik misissuineq) nakkutilliineq,
 - b) nassiussat uppersaatiillu ingiaqataatinneqartut imminnut naapertuunnerannik misissuineq (suussusiinik misissuineq), aamma
 - c) inuussutissat siunertamut kissaatigineqartumut naleqqunnerannik aamma aalajangersakkanik atuuttunik eqqortitsinerannik misissuineq (takullugit misissuineq), tassunga ilanngullugu killeqarfimmi ajornaatsumik misissuinerit kiisalu pisariaqarpat misiligitissat tigusanik Fødevarestyrelsen laboratoriaani misissueqqissaarnerit
- 4) nunanit isumaqatigiissutip avataaneersunit tunisassiat assigiiaangitsut, utaqqiisaasumik toqqorsimatillugit toqqorsimatinnagilluunniit aqusaartinneqartut imaluunniit nunanut isumaqatigiissutip avataaneersunit anninneqarnissaat siunertaralugu allamut usilersuunneqartut, uppersaataannik suunerinillu nakkutilliineq, kiisalu pisariaqarpat piunerannik misissuineq, nr. 3-mi eqqaaneqartoq,
- 5) tunisassiat, nunanit isumaqatigiissutip avataaneersunit utertinneqartut, suunerinik piunerinillu misissuineq, nr. 3-mi, litra b-mi c-milu eqqaaneqartoq, kiisalu uppersaatinik misissuineq, §§ 31-34-mi taaneqartoq.

Imm. 11. Kinaassusersiunngitsumik misissuineq tassaasoq: nassiunneqartunit misiligitissanik tigusinikkut misissuineq, niueqatigiinnermut atatillugu Fødevarestyrelsen isumagineqartoq. Aarlerinartoqarnerannik naliliineq aamma inuussutissanik taamaaqataanik Danmarkimi tunisassiarineqartunik pisortat misissuisarnerat eqqarsaatigalugu nassiussanik toqqaasoqartassaaq misissuinerlu annertussilerneqartassalluni.

Imm. 12. Pasitsaassanik misissuineq tassaasoq:

- 1) nassiussat kinaassusersiunngitsumik misissuereernermi akuerineqarsinnaasimatinnagit kingorna nassiussisumit tassannga nassiussanik Fødevarestyrelsen misissuinerannik, aamma
- 2) nassiussanut niueqatigiinnermut atatillugu imaluunniit nunanit isumaqatigiissutip avataaneersunit eqqaaneqartunut immikkut pasitsaassaqaqarnermik Fødevarestyrelsen misissuinerannik.

Imm. 13. Sukanganerumik misissuineq tassaasoq:

- 1) nassiussat pasitsaassaqaqluni misissuinerannik nassaarfigineqarsimappata, kingorna nassiussisumit tassannga nassiussanik Fødevarestyrelsen niueqatigiinnermut atatillugu misissuinerannik, aamma
- 2) nassiussat killeqarfimmi nakkutilliivimmi itigartinneqarsimatillugit, kingorna nassiussisumit tassannga nassiussanik Fødevarestyrelsen malinnaaqilluni misissuinerannik.

Imm. 14. Eqqussuineq tassaasoq:

- 1) tunisassianik nunamit niueqatigisamit tigusaqarneq,
- 2) tunisassianik nunanit isumaqatigiissutip avataaneersunit killilersorneqanngitsumik niuerutigineqartussanik eqqussineq,
- 3) tunisassiat assigiiaanngitsut nunanit isumaqatigiissutip avataaneersunit aqqusaartinneqarlutik imaluunniit utaqqiisaasumik toqqorsimaneqarlutik toqqorsimaneqaratilluunniit siullermeersumik eqqunneqarnerat,
- 4) tunisassianik killilersugaanngitsumik tuniniarneqartussaanningsunik kapitali 8-9 malillugu eqqussineq,
- 5) tunisassianik killilersorneqanngitsumik tuniniarneqartussaanningsunik kapitali 7 malillugu tikisitsineq, aamma
- 6) tunisassianik uumasunit pisunik nassiusanik eqqussineq pillugu Kalaallit Nunaannut nalunaarut malillugu eqqussineq, kinguaassiortitsinermi atortut, nammineq atugassat ilanngunnagit.

Imm. 15. Killeqarfimmi uumasut nakorsaasat tassaasoq: killeqarfimmi nakkutilliivimmi uumasut nakorsaanerat Fødevarestyrelsimit atorfinitsinneqarsimasoq.

Imm. 16. Aqqusaarneq tassaasoq: Tunisassianik assigiiaanngitsunik nunami isumaqatigiissutip avataanniittumi pileqqaarfeqartunik nunamullu isumaqatigiissup avataanniittumut apuuffissaqartunik killeqarfimmi nakkutilliivimmiit nunakkoorullugit allamullu usilersuunnagit nuna niueqatigisaq aqqusaarlugu killeqarfimmi nakkutilliivimmut allamut assartuussineq.

Imm. 17. Assigiiaanngitsunik toqqorsineq tassaasoq: tunisassianik assigiiaanngitsunik tak. imm. 24, nunami isumaqatigiissutit avataanniittumi pileqqaarfeqartunik nunamillu isumaqatigiissutit avataanniittumik annguffissaqartunik toqqorsivimmi nunaminertami akitsuutinik akiliiffiusanngitsumi inissisimasumi imaluunniit akitsuserisut toqqorsivianni uumasut nakorsaannit toqqarneqartumi utaqqiisaasumik toqqorsineq.

Imm. 18. Uppernarsaatit pigineqartussaasut: peqqissutsikkut akuersissutit, niuersinnaanermut uppernarsaatit imaluunniit uumasut nakorsaannit uppernarsaatit, assersuutigalugu uumasut nakorsaannit tapiliussat atsiorneqarsimasut imaluunniit uppernarsaatit allat, EU-mi inatsisit imaluunniit Kalaallit Nunaanni inatsisit malillugit piumasarineqartut.

Imm. 19. CVED (Uumasut nakorsaannit misissorneqarsimaneranik uppernarsaat): uppernarsaat marlunnik quppernilik, tassani nalunaarutigineqarami nassiusat uumasut nakorsaannit nakkutigineqartussat tikittussaasut, tak., aalisakkanit nioqqutissianik uillunillu uumasunik il.il. kiisalu taakkunanga saniatigut tunisassianik aamma saniatigut tunisassianik taakkunanga tunisassianik nunanit isumaqatigiissutip avataaneersuniit eqqunneqartunik killeqarfimmi nakkutilliivimmi uumasut nakorsaannit misissuinermit suleriaatsit pillugit Kalaallit Nunaannut nalunaarut. Immikkoortoq 1 tassaavoq eqqussisup siumoortumik nalunaaruteqarnera, immikkoortorlu 2 uumasut nakorsaannit misissorneqarsimaneranik killeqarfimmi misissuisup uppernarsaaneranut aamma nassiuunneqartut inatsisinut naapertuunnerinik aalajangiinermut atorneqartussaalluni.

Imm. 20. Suujunnaarsitsineq tassaasoq: ikuallaavimmi akuerineqarsimasumi ikuallaalluni suujunnaarsitsineq.

Imm. 21. Eqqussuisoq tassaasoq: inuk suliffeqarfillaunniit Kalaallit Nunaanni angerlarsimaffeqatoq, tunisassianik eqqussuisitsisoq imaluunniit niueqatigiinnermi tiguisuisoq, aamma Fødevarestyrelsimit eqqussuisutut nalunaarsorneqarsimasoq, tak. § 3.

Imm. 22. Nassiusanut akisussaasoq tassaasoq: eqqussuisoq imaluunniit inuk suliffeqarfillaunniit Kalaallit Nunaanni angerlarsimaffeqatoq, eqqussuisumit piginnaatitaalluni nassiusanik aalajangersimasunik eqqussuisoq.

Imm. 23. Tunisassiat assigiiaartut tassaasut: tunisassiat nunani niueqatigisani killilersorneqanngitsumik tuniniagassatut eqqussorneqarnissaannut Kalaallit Nunaanni inatsisinik atuuttunik naammassinnittut.

Imm. 24. Tunisassiat assigiiaanngitsut tassaasut: tunisassiat nunanit isumaqatigiissutip avataaneersunit pilerfeqartut, aamma Kalaallit Nunaanni inatsisinik atuuttunik naammassinninngitsut.

Imm. 25. Inuussutissat nunanit isumaqatigiissutip avataaneersuneersut assigiissagaanngitsut tassaasut: inuussutissat nunani isumaqatigiissutip avataaneersuni pileqqaarfeqartut, taakkulu pillugit eqqussuinissamut tamakkiisumik ilaannakuusumilluunniit killilersuinissamut nunami inatsisitigut aalajangersaasoqarsimalluni.

Imm. 26. Suliffeqarfik tigusisuusiq tassaasoq: suliffeqarfik imaluunniit tunisassiorfik tunisassianik niueqatigiinnermi imaluunniit utertitsinnermi tigusisuusiq, imaluunniit tunisassianik nassiussanik niueqatigiinnikkut tiguneqartunik agguasooq.

Imm. 27. Tunisassiorfik tassaasoq: sumiiffik sumiittorluunniit tunisassianik sutigulluunniit passussinermik suliqarfiusiq, aalisariutit ilanngunnagit.

Imm. 28. Aqqutissaqartitsilluni eqqussineq tassaasoq: eqqussineq, tunisassiat nassiussat killeqarfimmi nakkutilliivimmiit assartuummi naqqissuserneqarsimasumiitillugit suliffeqarfimmut tigusisussamut toqqaannartumik nassiunneqartut.

Imm. 29. Ilisimatusarnermut nappaammillu suussusersiinnermut misiligutissat tassaasut: tunisassiat nappaammik suussusersiinnermut atatillugu misissuinnermut atugassat. imaluunniit atuartitsinnermut imaluunniit ilisimatusarnermut atatillugu ilisimatusarnikkut teknikkikkullu ineriartorerup siuarsarneranut atugassat.

Imm. 30. Nioqutissat misiligutit tassaasut: tunisassiat tunisassiornerup ingerlaasianik naammallugu immikkut ittumik misissuinissamut nalilersueqqissaarnissamulluunniit, imaluunniit nerukkaatissanik tunisassianilluunniit allanik ineriartortitsinissaamik siunertaqartumut atugassat, tassunga ilanngullugu maskiinanik, suliffeqarfimmi tunisassiorfimmiluunniit atorineqartussanik misileraaneq, suliffeqarfik tunisassiorfilluunniit:

- 1) nerukkaatissaliortuulluni imaluunniit tunisassianik inuussutissatut neruukkaatissatulluunniit torneqaratik allanut siunertalinnik tunisassiorpat imaluunniit
- 2) uumasunit pisunik saniatigut tunisassiat imaluunniit taakkunanga tunisassiat.

Imm. 31. Assilineqarnera uppernarsagaasoq tassaasoq: uppernarsaatip allaqqaagaasup assilineqarnera, assilineqarnerata ilumoortuunera Fødevarestyrelsimit uppernarsarneqartoq.

Imm. 32. Oqartussaq piginnaatitaasoq tassaavoq: Fødevarestyrelsi imaluunniit nunat allat inuussutissalerinnermut uumasullu nakorsaqaarnikkut taamaaqataanik oqartussaasui.

Imm. 33. Nakkutilliinnermut oqartussat tassaasut: Fødevarestyrelsi. Suleriaatsimi Fødevarestyrelsi, FødevareNordjylland, nakkutilliinnermik isumaginnittuuvoq.

Imm. 34. TRACES tassaasoq: EU'p uumasut nakorsaqaarnikkut ataatsimoorussamik paasissutissiisarfia, tak. Traces-ip atorineqarnissaa pillugu aalajangiineq 2004/292/EF aamma aalajangiinerup allanngortinnera pillugu aalajangiineq 92/486/EØF, kingullermik aalajangiinikkut 2005/515/EF-ikkut allanngortinneqartoq.

Imm. 35. Utertitsineq tassaasoq: nassiussanik itigartinneqartunik nunamut niueqatigisamut imaluunniit nunamut allamut imaluunniit nunamut isumaqatigiissutip avataaneersumut nassiussineq.

Imm. 36. Angerlaassineq tassaasoq: nassiussat nunami niueqatigisami allami apuuffissaannut apuutsinnagit, imaluunniit nunamut isumaqatigiissutip avataaniittumut tunisinnermi, nassiussat nunanit niueqatigisani anninneqartinnagit, avammut niuertup nassiussanik suliffeqarfimmut avammut niuertumut nammineq piumassutsiminik angerlamut assartuisitsinera.

Imm. 37. Poortuutissiaq tassaasoq: tunisassiamik atortumut inissiineq, tunisassiaq pineqartoq atortumut tassunga toqqaannartumik attuisunngorlugu (poortuummut ikioraavimmulluunniit).

Imm. 38. Poortuutissaq tassaasoq: tunisassiamik ataatsimik arlalinnilluunnit poortorneqarsimasunik ikioraavimmut silarliutitamut inissiineq, aamma ikioraavik taanna pineqartoq.

Kapitali 2

Eqqussuisunik nalunaarsuineq

§ 3. Tunisassianik eqqussuinissaq aallartitsinnagu eqqussuisut nakkutilliinermut oqartussani nalunaarsorsimassapput.

Imm. 2. Nalunaarsuineri imm. 1-imi taaneqartumi tunisassiat suuneri ilaassapput, tak. ilanngussaq 1 aamma nuna nassiussisusoq.

Imm. 3. Nalunaarsorneqarnissaq pillugu qinnuteqaat nakkutilliinermut oqartussanut nassiunneqassaaq, taamaalilluni qinnuteqaat nakkutilliinermut oqartussanit tiguneqarsimassalluni, tunisassiat nalunaarsorneqartut siullermik eqqunneqarnissaat kingusinnerpaamik ullunik suliffiusunik tallimanik sioqqullugu, tassa tunisassianik nalunaarsorneqarsimasunik eqqussuineq siulleq aallartitsinnagu ulloq tigusiffiusoq ilanngullugu naatsorsuutigineqassanngilaq.

Imm. 4. Eqqussuisut nassiussat eqqunneqartut nalunaarsussavaat uku allattorlugit

- 1) ulloq eqqussiffik,
- 2) nassiussat amerlassusaat,
- 3) tunisassiat suuneri,
- 4) nassiussisoq,
- 5) nassiussiffiusoq,
- 6) tigusisoq aamma
- 7) apuuffissaq.

Imm. 5. Eqqussuisut nalunaarsukkat imm. 4-mi taaneqartut sivikinnerpaamik ukiuni tallimani toq-qorsimassavaat, piumasaqartoqarneratigullu nalunaarsukkat nakkutilliinermut oqartussanut takutis-sallugit.

Imm. 6. Suliffeqarfiup tigusisusup piginnittui paarlaappata, piginnaatitaanermut akuersissummi, nalunaarsuineri imaluunniit akuerisaanermi normu taanna atuinnarlugu suliffeqarfiup inger-lanneqarnera ingerlaannarpat, imm. 5-mi pisussaaffik ingerlaannassaaq piginnittut paarlaannerat apeqqutaatinnagu.

Kapitali 3

Niueqatigiinneq

§ 4. Tunisassiat, ilanngussaq 1-imi pineqartut, aamma niueqatigiinnikkut tiguneqartut, upper-narsaatinik piumasaqaatigineqartunik ingiaqateqartinneqassapput.

Imm. 2. Tunisassiat, tunisassiornermut nittarsaanermullu maleruagassartai EU-mi assigiissaar-neqarsimanngippata, Fødevarestyrelsimiit siumoortumik akuersisoqarneratigut aatsaat tiguneqarsin-naapput. Qinnuteqaat nakkutilliinermut oqartussat aqqutigalugit nassiunneqassaaq.

§ 5. Suliffeqarfiit tigusisusut noqqaasoqarneratigut nassiussanik tigusineq imaluunniit tigusaqar-nissamut naatsorsuutigisat pillugit Fødevarestyrelsip erseqqissaassutai malillugit nakkutilliinermut oqartussanut nalunaaruteqassapput.

Imm. 2. Suliffeqarfiit tigusisusut nassiussat tiguneqarsimasut pillugit ingerlaavartumik nalu-naarsuissapput. Eqqussuisoq, ulloq tigusiffiusoq, tunisassiat suuneri, poortukkat amerlassusaat, oqimaassusaat, nuna pileqqaarfiat, suliffeqarfik pileqqaarfiat nunalu nassitsiffiusoq pillugit paasis-sutissanik nalunaarsuiffik imaqassaaq. Nalunaarsuiffik suliffeqarfimmi tigusisusumi sivikinner-

paamik ukiuni tallimani toqqortarineqassaaq, noqqaasoqarneratigullu nakkutilliinermut oqartussanut takutinneqartassalluni.

Imm. 3. Tunisassiat imm. 2-mut ilaatinneqartut, suliami nakkutilliinermut oqartussat aalajangiinissaasa tungaannut eqqussuisup uninngatikallassavai.

§ 6. Eqqussuisup nassiussanik tigusinerit tamaasa nammineq nakkutilliinermisut nassiussat inatsisinik atuuttunik naammassinninersut nakkutigissavaa nassiussallu misissorlugit. Nammineq nakkutilliineq suliffeqarfimmi tigusiffiusumi ingerlanneqassaaq.

Imm. 2. Eqqussuisup nassiussani pissusissaanngitsut nakkutilliinermut oqartussanut ingerlaanartumik nalunaarutigissavai.

Imm. 3. Eqqussuisup tunisassiat imm. 2-mi ilaasut nakkutilliinermut oqartussat suliami aalajangiinissaasa tungaannut uninngatissavai.

§ 7. Uppernarsaatit pigineqartusaasut nassiussanut ingiaqataatinneqartut, nassiussat tигuneraniit eqqussuisumit sivikinnerpaamik ukiuni tallimani tигummineqassapput. Uppernarsaatit noqqaasoqarneratigut nakkutilliinermut oqartussanut takutinneqassapput.

Imm. 2. Suliffeqarfiup tigusisuusup piginnittui paarlaappata, piginnaatitaanermut akuersissummi, nalunaarsuinermi imaluunniit akuerisaanermi normu taanna atuinnarlugu suliffeqarfiup ingerlanneqarnera ingerlaannarpat, imm. 1-mi pisussaaffik ingerlaannassaaq piginnittut paarlaannerat apequtaatinnagu.

§ 8. Nassiussanit tигuneqartunit nakkutilliinermut oqartussat kinassusersiunngitsumik misiligutis-sanik tигusissapput.

Imm. 2. Inatsisit atuuttut eqqortinneqannginneranik pasitsaassinermi, nakkutilliinermut oqartussat pasitsaassaminni misissuissapput, tassunga ilanngullugu assartuinerup nalaani misissuissallutik aamma assartuinerup nalaani nioqqtissiat umiarsuarmi inissisimaffinik misissuissallutik.

Imm. 3. Misissuinermi imm. 1-imi 2-miluunniit pineqartuni, suliffeqarfimmit tunisassiorfimmi-luunniit tassannga nassiussani pissusissaanngitsut uteqattaartut paasineqarpata, suliffeqarfimmit suliarinniffiusumit imaluunniit tunisassiorfimmit suliarinniffiusumit tassannga kingorna nassiunneqartunik nakkutilliinermut oqartussat sukanganerusumik misissuissapput. Sukangasuumik misissuinerit aatsaat atorunnaarsinneqassapput pileqqaarfiusumit tassanngaanniit nassiussanik tulleriiginnartumik tallimanit misissuinermi angusat naammaginartutut nalilerneqarpata.

Imm. 4. Nassiussat pasitsaassaqaarnikkut misissorneqartut imaluunniit sukanganerusumik misissorneqartut nakkutilliinermut oqartussanit arsaarinnissutigineqassapput

§ 9. Nassiussat inatsisinik atuuttunik naammassinninngitsut paasineqarpat, nassiussat nakkutilliinermut oqartussanit arsaarinnissutigineqassapput. Nassiussat ilaat kingusinnerusukkut tuniniaaffiusunut apuussimappata, inuussutissat taakku utertinneqarnissaat nakkutilliinermut oqartussat pi-umasaqaatigissavaat, tamatumalu kingorna inuussutissat nakkutilliinermut oqartussanit arsaarinnissutigineqassallutik.

Imm. 2. Amigaataasut § 6 naapertorlugu pisimanagerat paasineqarpat, Fødevarestyrelsi nassiussanik arsaarinninngissinnaavoq .

Imm. 3. Nakkutilliinermut oqartussat eqqussuisoq tulliuuttunik peqqussavaa

- 1) piffissaliussatut aalajangersarneqartup qaangiutinnginnerani utertinneqassasut, imaluunniit
- 2) piffissaliussatut aalajangersarneqartup qaangiutinnginnerani suujunnaarsinneqassasut.

Imm. 4. Tunisassiat imm. 2-imut ilaasut suliffeqarfimmi tigusisumi tигummisaagallarnissaat, ator-neqannginnissaallu imaluunniit kingusinnerusukkut tuniniaaffiusunut agguanneqarsimannginnissaat eqqussuisup isumagisimappagu, imm. 3 malillugu peqqussuteqarnissaq nakkutilliinermut oqartussat pinngitsoorsinnaavaat. Taarsiullugu nakkutilliinermut oqartussat tunisassiat imm. 3-mi taa-

neqartutut piffissaliussatut aalajangersarneqartoq qaangiutsinnagu utertinneqarnissaat, suujunnaarsinneqarnissaalluunniit pillugu aalajangiisinnaapput.

Imm. 5. Nakkutilliinermut oqartussat utertitsinermut suujunnaarsitsinermullu piumasagaatinik erseqqinnerusunik aalajangersaassapput, ilanngullugu uppernarsaat eqqussuisumit saqqummiunneqartussaq.

Imm. 6. Nassiussat utertinneqarnissaannut akuersissut, eqqussuisup nunami niueqatigisami, suliffeqarfiup suliarinniffiup imaluunniit tunisassiorfiup sumiiffigisaani oqartussaasunit piginnaatitaasunit akuersissut eqqussuisup pissarsiarisimasaa, nakkutilliinermut oqartussanit akuersissutigineqarpat, eqqussuisup nassiussat aatsat utertitsinnaavoq. Nunami niueqatigisami oqartussanit piginnaatitaasunit akuersissut, eqqussuisup nalunaarutigisimasaanik itigartitsinermut pissutaasimasup sukumiisumik allaaserineranik imaqassaaq.

Imm. 7. Utertitsineq ajornarpat, imaluunniit piffissaliussaq nakkutilliinermut oqartussanit aalajangersarneqarsimasooq qaangerneqarsimappat, imaluunniit illuatungeriinnik tusarniaanermi eqqussuisooq tamatumunnga akuersisimappat, nassiussat suujunnaarsinneqassapput.

Imm. 8. Suujunnaarsitsinerup nakkutilliinermut oqartussanit nakkutigineqarnissaa eqqussuisup qulakkiissavaa.

Imm. 9. Tunisassianik arsaarinninnermut, tunuartitsinermut, utertitsinermut, suliareqqiinnermut suujunnaarsitsinermullu atatillugu aningaasartuutit eqqussuisumit akilerneqassapput.

Imm. 10. Aningaasanut imm. 9-mi pineqartunut Fødevarestyrelsi arsaarinnissuteqarnissamut pisinnaatitaaffeqarpoq.

§ 10. Nakkutilliinermut oqartussat nassiussanik arsaarinnissapput paasineqarpat:

- 1) nassiussani akuutissaqarpat, uumasuni nappaatit tunillannartullu pillugit inatsisip Kalaallit Nunanut atuutilersinnera pillugu peqqussummi ilanngussaq 1-imi 2-miluunniit taaneqartut ilaannik napparsimalersitsisinnaasunik, imaluunniit uumasut nappaataannik imaluunniit sunaluunniit alla inuit uumasulluunniit peqqissusiannut ulorianartorsiortitsisinnaasoq, imaluunniit
- 2) nassiussat nunap immikkoortuanit inunni uumasuniluunniit tunillaasinnaasunik nappaateqalersimanageranik pasisami paasineqartumiluunniit pisuuppata.

Imm. 2. Nassiussat arsaarinnissutaasut piffissaliussatut aalajangerneqartup qaangiutinnginnerani suujunnaarsinneqarnissaannik nakkutilliinermut oqartussat eqqussuisumut imaluunniit taassuma peqannginnerani avammut niuertumut peqqussuteqarsinnaapput.

Imm. 3. Nassiussat imm. 1-imi taaneqartut ilai kingusinnerusukku tuniniaaffiusussamut apuusimappata nakkutilliinermut oqartussat eqqussuisooq peqqussavaa inuussutissat taakku utertinneqasasut, tamatumalu kingorna inuussutissat nakkutilliinermut oqartussanit arsaarinnissutaassapput suujunnaarsinneqarnissaannillu eqqussuisooq peqqullugu.

Imm. 4. Imm. 1, nr. 2-imi taaneqartutut pisoqartillugu, inuussutissat ikioraavimmut silaannaarlugu matuneqarsimasumut ikillugit minnerpaamik 3,00-mik F₀-mik naleqartumi kissartumik suliarineqarsimasunut (qillertuusarmiunut) atuutissangitsoq nakkutilliinermut oqartussat aalajangiisinnaapput.

Imm. 5. Suujunnaarsitsinissamut piumasagaatit erseqqinnerusut nakkutilliinermut oqartussanit aalajangersarneqassapput, uppernarsaat eqqussuisumit saqqummiunneqartussaq ilanngullugu.

Imm. 6. Suujunnaarsitsinerup nakkutilliinermut oqartussanit nakkutigineqarluni pinissaa eqqussuisup qulakkiissavaa.

Imm. 7. Inuussutissanik arsaarinninnermut, utertitsinermut suujunnaarsitsinermullu atatillugu aningaasartuutit eqqussuisup akilissavai.

Kapitali 4

Eqqussuineq

§ 11. Tunisassiat nunanit isumaqatigiissutip avataaneersumit tikisinnegartut Kalaallit Nunaanni sumiiffinni killeqarfimmi nakkutilliiviit, inuussutissanut pineqartunut akuerisaasut pilersinneqarfigisimasaanni eqqunneqarnissaat eqqussuisup qulakkiissavaa, tak. ilanngussaq 2.

Imm. 2. Tunisassiat killeqarfimmi nakkutilliivimmut apuuttut, tunisassiat nunanut niueqatigisanut eqqunneqartinnagit, killeqarfimmi nakkutilliivimmi tassani uumasut nakorsaannit misissorneqarnissaat eqqussuisup qulakkiissavaa, taamaattoq tak. § 23.

§ 12. Tunisassiat nunanit isumaqatigiissutip avataaniittuneersut, niueqatigisani killeqarfimmi avallermi killeqarfimmi nakkutilliivimmi uumasut nakorsaannit misissorneqarsimatinnagit Kalaallit Nunaannut eqquteqqusaanngillat uterteqqusaanatilluunniit.

Imm. 2. Tunisassiat imm. 1-imut ilaasut, niueqatigisani killeqarfimmi avallermi uumasut nakorsaannit misissorneqarsimannigitsut, nakkutilliinermut oqartussanit arsaarinnissutaassapput, nassius-sallu eqqussisumiit utertinneqarnissaat imaluunniit suujunnaarsinneqarnissaat piumasalarugu, tak. § 19, imm. 1 imalt. imm. 2. Nakkutilliinermut oqartussat utertitsinermut imaluunniit suujunnaarsitsinermut piumasaqaatinik aalajangersaasinnaapput.

Imm. 3. Tunisassiat nunani isumaqatigiissutip avataaneersuni pileqqaarfeqartut, niueqatigiinnikkut Kalaallit Nunaanni tiguneqartut, aalajangersakkanut kapitali 3-mi allanneqartunut ilaatinneqarput.

§ 13. Tunisassiat ilanngussaq 1-imi pineqartut, aamma nunanit isumaqatigiissutip avataaniittunit eqqunneqartut uppernarsaatinik piumasaqaatigineqartunik allaqqaagaasunik ingiaqateqartinneqassapput.

Imm. 2. Tunisassiat assigiiaanngitsut nassiussanut agguarlugit agguanneqaqqusaanngillat, taamaattoq tak. imm. 3. Tunisassiat uumasut nakorsaannit misissorneqareerunik, uppernarsaatinik piumasaqaatigineqartunik allaqqaagaasunik ingiaqateqartinneqassapput.

Imm. 3. Taamaattoq tunisassiat assigiiaanngitsut, akitsuutininik akiliiffiusanngitsumi quersuarmit imaluunniit akitsuuseriviup quersuanut eqqunneqartut, eqqunneqarfigisaminni uumasut nakorsaannit misissorneqareerunik nassiussanut immikkoortunut agguanneqarsinnaapput. Nassiussat akitsuutininik akiliiffiusanngitsumi quersuarmit akitsuuserisulluunniit quersuannit anninneqarneranni, nakkutilliinermut oqartussat uppernarsaatit piumasaqaataasut assilineqarnerannik uppernarsagaasumik annissuisumut tunniussissapput.

§ 14. Eqqussuisoq akitsuuseriffimmi eqqussiviusumi killeqarfimmi nakkutilliisumut siumoortumik nalunaarummik (CVED, immikkoortoq 1 immersorneqarsimatillugu) nassiussissaaq. Aalisakkanit nioqqutissianik uillunillu uumasunik il.il. kiisalu taakkunannga saniatigut tunisassianik aamma saniatigut tunisassiat taakku atorlugit tunisassiarineqartunik nunanit isumaqatigiissutip avataaniittunit eqqunneqartunik killeqarfimmi nakkutilliivinni uumasut nakorsaasa misissuinerannut suleriaatsit pillugit Kalaallit Nunaannut nalunaarummi § 4 naapertorlugu siumoortumik nalunaarutegartoqassaaq, tak. ilanngussaq 3. Nassiussat nunamut niueqatigisamut tikinnissaat kingusinnerpaamik nalunaaquttap akunneri 48-it sioqqullugit siumoortumik nalunaarut killeqarfimmi nakkutilliivimmit tiguneqarsimassaaq. Nalunaaquttap akunneri taakku 48-it nalunaarutit imaluunniit nalunaarsukkat tiguneraniit Fødevarestyrelsen nalinginnaasumik ammasarfiata nalaani naatsorsorneqassapput.

Imm. 2. Siumoortumik nalunaarut danskisut imaluunniit tuluttut allassimassaaq, aamma eqqortumik immersorneqarsimassalluni naqqiisoqarsimassananilu.

Imm. 3. Nassiussat eqqortumik siumoortumik nalunaarutigineqarsimasut tikiffissatut naatsorsuutigisaaq piffissaaq sioqqullugu tikippata, umiarsuaq nassiussanik usisoq tulassinnaavoq, CVED-li

naapertorlugu piffissaq tikiffissatut ilimagisaq nallertinnagu nassiussat usingiarneqarsinnaanngillat. Nassiussat containerimiitillugit eqqunneqarpata, containerit usingiarneqarsinnaapput, umiarsualiveqarfimmilugit ungalusami uninngatinneqarlutik. CVED-imi imm. 1-imi paasissutissat naapertorlugit tikiffissatut ilimagisaq piffissaq nallertinnagu containerit ammarneqaqqusaanngillat.

Imm. 4. Nassiussat uumasut nakorsaaniit misissuisoqareernerisa kingorna, nassiussanut akisusaasup CVED killeqarfimmi nakkutilliivimmi akitsuuserisutut oqartussanut nassiutissavaa, tak. Aalisakkanit nioqutissianik uillunillu il.il. kiisalu tunisassianik uumasunit pisunit nerisassaangitsunik, nunanit isumaqatigiissutip avataaniittuniit eqqunneqartunik killeqarfimmi nakkutilliivimmi uumasut nakorsaasa nakkutilliinerannut suleriaatsit pillugit Kalaallit Nunaannut nalunaarummi § 5, imm. 3-5.

Imm. 5. Tunisassianik nunanit isumaqatigiissutip avataaneersunik eqqussisoqarnissaa pillugu eqqussuisoq nakkutilliinermut oqatussanut allakkatigut nalunaaruteqassaaq. Nalunaarut imatut nassiunneqassaaq, eqqussinissaaq kingusinnerpaamik nalunaaquttap akunnerinik 48-nik sioqqullugu nakkutilliinermut oqartussanit tiguneqartussanngorlugu. Nalunaaquttap akunneri taakku 48-t nalunaarutip nalunaarsukkalluunniit tiganeraniit Fødevarestyrelsen nalinginnaasumik ammasarfiani naatsorsorneqassapput. Nalunaarut paasissutissanik makkuninnga imaqassaaq

- 1) tunisassiap suunera,
- 2) nassiussat amerlassusii,
- 3) nassiussisup najugaa,
- 4) suliffeqarfiup tiguisup najugaa,
- 5) piffissaq apuuffissatut naatsorsuutigisaq, aamma
- 6) taamaattoqarpata uumasut nakorsaata suliffeqarfimmut tiguisussamut atasup aqqa najugaalu.

§ 15. Niueqatigiinnermi akunnermiliuttut, umiarsuarnik sullissisut, assartuinnermik ingerlatseqatigiiffiit, allakkisarnermik ingerlatseqatigiiffiit il.il., umiarsuit Kalaallit Nunaannut tikittut tamaasa pillugit usit nalunaarsorsimaffiannik killeqarfimmi nakkutilliisumut nassiussisapput. Nassiussat taakkualuunniit ilaat umiarsuarmiiginnaraluarpata, allamut usilersuunneqarpata, niuneqarpata, eqqunneqarpata aqqusaartinneqarpataluunniit apeqqutaatinnagu tamanna atuutissaaq. Umiarsuup usisarfii imaqanngippata assigisaa atuutissaaq.

Imm. 2. Usit allattorsimaffiat, umiarsuup suunera nioqutissallu ataasiakkaat allaaserineqarnerat erseqqissumik takuneqarsinnaassasunngorlugit ilusiligaasoq, umiarsuup tikinnissaa sioqqullugu killeqarfimmi nakkutilliivimmit tiguneqarsimassaaq.

Imm. 3. Tunisassiat imm. 1-imi taaneqartumi usiniittut, umiarsuarmiiginnanngippata siumoorumik nalunaarutigineqassapput, tak. § 14, imm. 1-2.

§ 16. Umiarsualiviit, killeqarfimmi nakkutilliivimmik pilersitsiviusimasut, umiarsuit killeqarfimmi nakkutilliivimmut tikinnissaannik ilimagisat pillugit allattuiffimmik nassiussisapput. Allattuiffiit umiarsuit aqqinik aamma umiarsualivimmit suminngaaneereri pillugit paasissutissanik imaqassapput.

§ 17. Tunisassiat killeqarfimmi nakkutilliivimmi uumasut nakorsaanniit misissorneqassapput, tak., ilanngussaaq 3-mi nakkutilliinerup qanoq akulikissuseqarnissaanik taaneqartut, imaluunniit erseqqinnerusumik aalajangersakkat Fødevarestyrelsen aalajangersagaasut malillugit, taamaattoq tak. § 25, imm. 5, § 26, imm. 3, aamma tunisassianik uumasunit pisunik, kinguaassioertitsinnermi atorlut ilanngunnagit, nammineq atugassanik eqqussineq pillugu Kalaallit Nunaannut nalunaarut.

Imm. 2. Nassiussat suliffeqarfimmi tiguisumi akuerisaasumi tiguneqarsimanerat, aamma killeqarfimmi uumasut nakorsaata naqissusiisimanerata misissorneqarsimanera pillugu nakkutilliinermut oqartussat piaarnerpaamik, aamma ullut 15-it qaangiutsinnagit, killeqarfimmi nakkutilliivimmi killeqarfimmi uumasup nakorsaanut nalunaaruteqassapput.

Imm. 3. Aqqutissiuilluni eqqussinnermi eqqussisup tulluittut qulakkiissavai,

- 1) killeqarfimmi iserfiusumi nakkutilliiviup aamma suliffeqarfiup tiguisussatut akuerineqartup akornanni assartuinerup assartuummi imaluunniit ikioraavimmi sitsiaatsumi, suuneranik taaneqartumi killeqarfimmilu uumasut nakorsaannit naqissuserneqartumi ingerlanneqarnissaa, taamaalilluni assartuutigineqartoq ammarneqariarpat naqissusiineq aserorneqassalluni,
- 2) tunisassiat suliffeqarfimmut tiguisussatut akuerineqartumut apuunnissaasa tungaannut akitsuuserisunit T 5 suleriaaseq malillugu nakkutigineqarnissaat, tak., EF-imi akitsuusiinermi malitassat atulersinneri pillugit Rådip peqqussutaanik (EØF) nr. 2913/92-mik naammassinninnissamut aalajangersakkat ilai pillugit kommissionip peqqussutaa (EØF) nr. 2454/93, aamma
- 3) tunisassiat killeqarfimmi uumasut nakorsaannit pisortatigoortumik naqissuserneqarsimasut, nakkutilliinermut oqartussat misissuinerat killeqarfimmillu uumasut nakorsaata naqissuusiinernik peersinerat sioqqullugu usingiarneqannginnissaat, immikkoortiterneqannginnissaat passunneqannginnissaallu.

§ 18. Inatsisit atuuttut eqqortinneqannginnerinik pasitsaassaqaarnermi. killeqarfimmi uumasut nakorsaata pasitsaassaqaarnermi misissuissaaq, ilanngullugulu assartuutinik misissuissalluni.

Imm. 2. Pasitsaassaqaarneq tunuliaqutaralugu killeqarfimmi uumasut nakorsaata misiligutissanik tiguisimaguni, uumasut nakorsaata nassiussat killeqarfimmi nakkutilliivimmi tigummigallassavai. Pasitsaassineq uppernarsineqanngippat, nassiussallu inatsisit atuuttut eqqortippatigit, nassiusat ingerlaannartumik siunertamut akuerineqassapput.

Imm. 3. Uumasut nakorsaata misissuinerani peqqinnissakkut aarlerinartoqartoq imaluunniit anner-tuunik allanik imaluunniit uteqqinneqartunik kukkusoqarsimasoq paasineqarpat, killeqarfimmi uumasut nakorsaata tunisassianik kingorna nassiussanik sukanganerusumk misissuissaaq, tak. imm. 4. Nassiussat taamatut ittut killeqarfimmi nakkutilliivimmi uumasut nakorsaannit arsaarinnissutaas-sapput.

Imm. 4. Pileqqaarfiusumiit tassannga niueqatigisamut nassiussat eqqunneqartut tulleriigin-nartumik qulit misissornerisa inerneru ajunngitsutut nalilerneqarpata, sukanganerusumik nakkutilli-ineq aatsaat atorunnaarsinneqassaaq.

Imm. 5. Sukanganerusumik nakkutilliinermut atatillugu nakkutilliinermut aningaasartuutit matus-sutissaannut qularnaveeqqut akileqquneqassaaq.

Imm. 6. Sukanganerusumik nakkutilliinermut atatillugu aningaasartuutit eqqussuisup akiligassarai. Aningaasartuutit tamarmiusut akilerneqarpata qularnaveeqqut utertillugu akilerneqassaaq.

§ 19. Nassiussat aalajangersakkanik atuuttunik naammassinninngippata, imaluunniit uumasut na-korsaannit misissuinerup kingorna siunertamut akuerineqarsinnaanngippata, killeqarfimmi uumasut nakorsaata nassiussat arsaarinnissutigissavai. Killeqarfimmi uumasut nakorsaata aalajangiissaaq nas-siussat eqqunneqassanngitsut.

Imm. 2. Killeqarfimmi uumasut nakorsaata eqqussuisumut makku piumasarissavai

- 1) nassiussat piffissaliussaq sivisunerpaamik ullunik 60-inik sivisussuseqartoq qaangiutsinnagu utertinneqarsimassasut, imaluunniit
- 2) nassiussat piffissaliussaq aalajangerneqarsimasoq qaangiutsinnagu suujunnaarsinneqassasut.

Imm. 3. Nassiussat imm. 1-imi taaneqartut uumasut nakorsaannit misissorneqareernerisa kingorna killeqarfimmi nakkutilliivik qimassimassappassuk, nakkutilliinermut oqartussat nassiussat arsaarinnissutigissavaat nassiussallu tuniniarneqannginnissaannik aalajangiillutik. Nassiussat ilai kingusinerusumi tuniniaaffiup ilaanut anggussimappata, nakkutilliinermut oqartussat taakku aamma arsaarinnissutigissavaat. Fødevarestyrelsi imm. 2-mi taaneqartutut peqqussuteqassaaq.

Imm. 4. Tunisassiat imm. 1-imi eqqartorneqartut suliffeqarfimmi tiguisussami tigummigallar-neqarnissaat eqqussuisumit isumagineqarsimappat, atorneqalersimanatillu imaluunniit kingusinne-rusumi tuniniaaffiit ilaanut nassiussorneqarsimanatik, nakkutilliinermut oqartussat imm. 3 malil-lugu peqqussuteqarnissartik pinngitsoortissinnaavaat. Tunisassiali imm. 2-mi taaneqartutut utertin-

neqarnissaat suujunnaarsinneqarnissaalluunniit nakkutilliinermut oqartussat akerlianik aalajangissa-
vaat.

Imm. 5. Utertitsinermut suujunnaarsitsinermullu piomasaaqatit erseqqinnerusut, ilanngullugu up-
pernarsaat eqqussuisumit saqqummiunneqartussaq killeqarfimmi uumasut nakorsaannit imaluunniit
nakkutilliinermut oqartussanit aalajangersarneqassapput.

Imm. 6. Nerukkaatissanik uumasunit pisunik utertitsineq, uumasunut meqqulinnut aliikkutaralugu-
lu uumasuutitut nerukkaatissat ilanngunnagit, § 20 malillugu pissaaq.

Imm. 7. Tunisassianik utertitsineq killeqarfimmi nakkutilliivimmiit nassiussat uumasut nakor-
saannit misissorneqarfiannit pissaaq, assartuullu atorneqartoq taannaassalluni. Imm. 3 imaluunniit 4
malillugu utertitsineq killeqarfimmi nakkutilliivimmit inuussutissanik pineqartunik nakkutilliinis-
samut akuerisaasumit qaninnerpaamit pissaaq.

Imm. 8. Utertitsinissaq ajornarpat, imaluunniit piffissaliussaq killeqarfimmi uumasut nakorsaannit
Fødevarestyrelsimit aalajangerneqartoq qaangerneqarsimappat, nassiussat suujunnaarsinneqassap-
put. Illuatungeriinnik tusarniaanermut nassiussat suujunnaarsinneqarnissaat eqqussuisup tamatigut
piumasarisinnaavaa.

Imm. 9. Suujunnaarsitsinerup killeqarfimmi nakkutilliisunit imaluunniit nakkutilliinermut oqartus-
sanit nakkutigineqarluni pinissaa eqqussuisup qulakiissavaa.

Imm. 10. Tunisassianik arsaarinninnermut, utertitsinermut, suliareqqiinnermut imaluunniit suujun-
naarsitsinermut atatillugu aningaasartuutit eqqussuisup pisussaaffigai.

§ 20. Fødevarestyrelsi nassiussat utertinneqarnissaannut taamaallaat akuersisinnaavoq:

- 1) apuuffissaq pillugu nassiussanut akisussaasumik Styrelsi isumaqatigiissuteqarsimappat
- 2) tunisassiat pineqartut soq pissutsillu suut pissutigalugit Kalaallit Nunaanni niuerutigineqarsin-
naanginnerat pillugu nassiussanut akisussaasup nunami isumaqatigiissutip avataaniittumi pi-
leqqaarfianni imaluunniit nunami isumaqatigiissutip avataaniittumi apuuffissaanni, nunat
pineqartut assigiinngitsuuppata, oqartussat piginnaatitaasut ilisimatereersimappagit, aamma
- 3) nunami isumaqatigiissutip avataaniittumi apuuffissami oqartussat piginnaatitaasut, nuna isu-
maqatigiissutip avataaniittumi apuuffissaq nuna isumaqatigiissutip avataaniittumi pileqqaarfi-
usoq assiginngippagu, nassiussat tiguneqarnissaannut piareersimaneq pillugu Fødevarestyrelsi
ilisimatissimappassuk.

Imm. 2. Pisortat nakkutilliinerisa inernerata taamatut iliornissaq pinngitsoortinngippagu, nassius-
sat apuuffissaat pillugu Fødevarestyrelsip aalajangiinerata ulluaniit sivilunerpaamik ullut 60-it
qaangiutsinnagit nassiussat nalinginnaasumik nassiunneqarsinnaalissapput, eqqartuussivikkut inger-
lariaqqittoqarsimangippat. Ullunik 60-inik piffissaliussap qaangiunnerata kingorna nassiussat nas-
siuteqqineqarsimangippata suujunnaarsinneqassapput, kinguaattoorneq tunngavissaqangippat.

Imm. 3. Nassiussat kingumut nassiunneqarnissaasa tungaannut, imaluunniit itigartitsinermut
tunngavilersuutip uppernarsineqarsineqarnissaata tungaanut, nassiussat Fødevarestyrelsimit pisorta-
tigoortumik tiggummigallarneqassapput.

§ 21. Nassiussat inuit uumasulluunniit peqqinnerannut ulorianartorsiortitsisinnaappata killeqar-
fimmi uumasut nakorsaat nassiussanik arsaarinnissaq, nassiussallu eqqunneqannginnissaat pillugu
aalajangiilluni. Piffissaliussap aalajangerneqartup iluani nassiusat suujunnaarsinneqarnissaat pillugu
killeqarfimmi uumasut nakorsaat eqqussuisumut peqqusissaaq, taamaattoq tak. imm. 5 aamma 8.

Imm. 2. Nassiussat suujunnaarsinneqarnissaannik nakkutilliinermut oqartussat eqqussuisumut
peqqusissapput, taamaattoq tak. imm. 8. Nassiussat ilaat kingusinnerusukku tunitsiviusumut apuus-
simappata, inuussutissat taakku uterteqqullugit nakkutilliinermut oqartussat eqqussuisumut peqqu-
sissapput, tamatumalu kingorna nakkutilliinermut oqartussat tunisassiat arsaarinnissutigissavaat,
taakkulu suujunnaarsinneqarnissaannik eqqussuisumut peqqusillutik.

Imm. 3. Killeqarfimmi uumasut nakorsaata imaluunniit nakkutilliinermut oqartussat suujunnaarsitsinermut piumasagaatit erseqqinnerusut aalajangersassavaat, ilanngullugu uppernarsaat eqqussuisumit saqqummiunneqartussa.

Imm. 4. Suujunnaarsitsinerup killeqarfimmi nakkutillisunit imaluunniit nakkutilliinermut oqartusanit nakkutigineqarluni ingerlanissaa eqqussuisup qulakkiissavaa.

Imm. 5. Uumasunit pisunik nerukkaatissat nassiussat, inuit peqqissusaannut aarlerinaateqartut nalilerneqartut utertinneqarnissaat, killeqarfimmi uumasut nakorsaata inuit peqqissusaat illersorniarlugu akuersissutigisinnavaa, tak. § 20, imaluunniit, tamanna ajornangippat aalajangersimasumillu naliliisoqareerpat, piumasagaatit erseqqinnerusumik aalajangersarneqarsimasut malillugit suliareqqinneqarnissaat akuersissutigalugu, taamaattoq tak. imm. 6.

Imm. 6. Imm. 5 uumasunut meqquinnut imaluunniit aliikkutaralugu uumasuutitut nerukkaatissanut atuutinngilaq.

Imm. 7. Arsaarinninnermut, utertitsinermut suujunnaarsitsinermullu, kiisalu taamaattoqarpat utertitsinermut atatillugu aningaasartuutit eqqussuisup pisussaaffigai.

Imm. 8. Nassiussat akuutissat sinnikuinik akoqartut paasineqarpat, ilanngullugit nakorsaait akuutissallu radiop qinngornerinik akoqartut, atorneqarnerilu inerteqqutaasut imaluunniit atorneqarnissamut akuerisaanngitsut, imaluunniit akuutissanik pineqartunik killissat qaangerlugit akoqartut pillugit killeqarfimmi uumasut nakorsaata imaluunniit nakkutilliinermut oqartussat, imm. 1 imaluunniit 2 apeqqutaatinnagit, § 19, imm. 2, nr. 1 imaluunniit 3 malillugu nassiussat utertinneqarnissaannik imaluunniit suujunnaarsinneqarnissaannik aalajangiissapput.

§ 22. Nassiussat uumasut nakorsaannit misissorneqarnerannut atatillugu akigitat atuuttut malillugit aningaasartuutit akilerneqareerpata imaluunniit taakku akilernissaannut eqqussuisoq pisari-aqartumik qularnaveeqquseereerpat, nunamit isumaqatigiissutip avataaniittumiit eqqunneqarsinnaapput imaluunniit utertinneqarsinnaallutik, aqusaartinneqarsinnaallutik, imaluunniit toqqorsivimmut § 39-mut ilaasumut eqqunneqarsinnaallutik tassanngaluunniit anninneqarlutik.

Kapitali 5

Nunani isumaqatigiissutip avataaniittuni pileqqaarfeqartunik tunisassianik assigiiaartunik killilersugaanngitsumik tuniniagassanik eqqussuineq

§ 23. Tunisassiat kapitalimut matumunga ilaasut, allamut usilersuussinissaq siunertaralugu umiarsualivimmum tunisassianik pineqartunik nakkutilliinissamut akuerisaasimasumik killeqarfimmi nakkutilliivimmik pilersitsiffiusimasumut umiarsuarmik tikiunneqartut, taannalu apuuffissami killeqarfimmi nakkutilliivunani, tunisassiat apuuffissami killeqarfimmi nakkutilliivimmum tikinnissaannut uumasut nakorsaata misissuinissaa utaqqisariaqarpoq, uku piumasagaatigalugit:

- 1) umiarsualivimmi apuuffissami tunisassianik pineqartunik nakkutilliinissamut akuerineqarsimasumik killeqarfimmi nakkutilliiveqassasoq,
- 2) nassiussat imaatigut toqqaannartumik apuuffissami killeqarfimmi nakkutilliivimmum assartorneqassasut, aamma
- 3) nassiussat allamut usilersuunnagit assartorneqassasut.

Imm. 2. Imm. 1, nr. 1-imi imaluunniit 2-mi piumasagaatit eqqortinneqanngippata, nassiussat killeqarfimmi nakkutillisunit imaluunniit nakkutilliinermut oqartussanit arsaarinnissutaassapput, taakkualu nassiussat utertinneqarnissaannik imaluunniit suujunaarsinneqarnissaannik eqqussuisoq peqqussavaat, tak. § 19, imm. 2, nr. 1 imaluunniit 3.

Imm. 3. Nassiussanut akisussaasup tulluuttut pillugit killeqarfimmi iserfiusumi nakkutilliivimmi killeqarfimmi uumasut nakorsaata nalunaarfigisavaa:

- 1) nassiussat usingiarneqarnissaannut piffissaq ilimagisaq,
- 2) nunami niueqatigisami apuuffissami killeqarfimmi nakkutilliivik,

- 3) nassiussat sumiinneri pillugit paasissutissat eqqoqqissaartut, umiarsuarmut apuuffissami killeqarfimmi nakkutilliivimmuq toqqaannartumik ingerlasussamut usilersuunneqanngippata, aamma
- 4) umiarsuarmut apuuffissami killeqarfimmi nakkutilliivimmuq ingerlasussamut nassiussat usilersuunnissaannuq piffissaq ilimagisaq.

Imm. 4. Nalunaarneq imm. 2-mi pineqartoq nassiussat nunami niueqatigisamut apuunnissaat sioqqullugu killeqarfimmi uumasut nakorsaannuq apuussimassaaq.

Imm. 5. Nassiussanut akisussaasup iserfissami killeqarfimmi nakkutilliivimmuq siumoortumik nalunaarut aamma nassiussavaa, tak. § 14, imm. 1-2.

Imm. 6. Nassiussat toqqaannartumik imaluunniit umiarsualiveqarfimmi sivilunerpaamik ulluni arfineq marlunni usingiarsimaneqareerlutik allamut usilersuunneqartut inuit uumasulluunniit peqqissusaannuq aarlerinartoqarsinnaappata, killeqarfimmi uumasut nakorsaat nassiussat uppernarsaataannik misissuissaaq.

Imm. 7. Nassiussanik, allamut usilersuussinermut atatillugu piffissami imm. 6-imi taaneqartumit sivilunerusumik usingiaqqaneqarsimasunik killeqarfimmi uumasut nakorsaat nassiussat uppernarsaataannik misissuissassaaq. Inuit uumasulluunniit peqqinnerannuq aarlerinartoqarsinnaappat, killeqarfimmi uumasut nakorsaat nassiussat taakku suunerinik misissuissaaq imaanillu misissuilluni.

Imm. 8. Nassiussanik, allamut usilersuussinermut atatillugu ullut 20 sinnerlugit usingiarneqarsimasunik killeqarfimmi uumasut nakorsaat uumasut nakorsaattut tamakkiisumik misissuissaaq.

Kapitali 6

Tunisassianik assigiiaangitsunik aqqusaarussineq toqqorsinerlu

§ 24. Tunisassiat assigiiaangitsut Kalaallit Nunaanni nittarsaassanngorlugit eqquteqqusaanngillat.

§ 25. Tunisassianik assigiiaangitsunik Kalaallit Nunaat aqqusaarlugu nunamut isumaqatigiissutip avataaniittumut imaluunniit nunamut isumaqatigiissutip avataaniittumut tassunga aqqusaarussineq inerteqqutaavoq, imaanngippat:

- 1) Tunisassiat nunami isumaqatigiissutip avataaniittumi imaluunniit nunap isumaqatigiissutip avataaniittup ilaani, uumasut peqqissuunissaat eqqarsaatigalugu EU-mit akuerineqarsimasumi pileqqaarfeqarpata tassanngaanniillu nassiunneqarpata,
- 2) tunisassiat nunamut niueqatigisamut apuunnerminni, aqqusaarnermi toqqorneqarneranniluunniit uppernarsaammik EU-mi aalajangersaanera malillugu qaqugukkulluunniit ingiaqataatinneqartussamik ingiaqateqartinneqarpata, aamma
- 3) killeqarfimmi nakkutilliivimmi tunisassiat uumasut nakorsaannuq saqqummiunneqarfianni uumasut nakorsaannit siumoortumik akuersissuteqartoqarsimatillugu.

Imm. 2. Akuersissummut, tak. imm. 1, piumasarineqarpoq aqqusaarneranut akisussaasoq killeqarfimmi uumasut nakorsaannuq allakkatigut nalunaaruteqassasoq tunisassiat ullut 30-t qaangitsinnagit nuna niueqatigisaq qimassagaat, kiisalu tunisassiat itigartinneqassagaluarpata nunami niueqatigisami tuniniagassanngorlutik utertinneqassanngitsut, kisianni nunamut isumaqatigiissutip avataaniittumut allanut utertinniarneqassasut.

Imm. 3. Imm. 2 malillugu utertitsineq iluatsinngitsoorpat, nassiussallu taamaattumik nunamut isumaqatigiissutip avataaniittumut utertinneqarnissaat siunertaralugu nunamut niueqatigisamut kingumut eqqunneqassappata, utertitsineq taanna ullut 60-it qaangiutinnginneranni pissaaq, taamaanngippat tunisassiat suujunnaarsinneqassapput.

Imm. 4. Nassiussanik imm. 3-mut ilaasunik nunamut niueqatigisamut eqqussineq taamaallaat killeqarfinni nakkutilliiviit, ilanngussaq 2-mi eqqaaneqartut tunisassianik pineqartunik nakkutilliinissamut akuerineqarsimasut aqputigalugit pissaaq, taamaallaallu killeqarfimmi nakkutilliivimmi tassani killeqarfimmi nakkutilliivimmiit siumoortumik akuersisoqareerneratigut. Tunisassiat nassinneqarnissamik imaluunniit suujunnaarsinneqarnissamik tungaanut uumasut nakorsaannit nakkutigineqarlutik killeqarfimmi nakkutilliivimmi tigummigallarneqassapput imaluunniit killeqarfimmi nakkutilliiviup eqqaani containerimiitsinneqarlutik.

Imm. 5. Tunisassiat imm. 1-imut ilaasut, § 17 apequtaatinnagu, killeqarfimmi nakkutilliivimmi uppersaataat suunerilu tamatigut misissorneqartassapput. Inuit uumasulluunniit peqqissusiannut aarlerinartoqarsinnaappata, imaluunniit pissusissaanngitsumik ittoqarneranik pasitsaassisoqarpat, killeqarfimmi uumasut nakorsaata aamma inuussutissanik misissuissaaq.

Imm. 6. Nassiussanut akisussaasup siumoortumik nalunaarut iserfimmi killeqarfimmi nakkutilliivimmut nassitussavaa, tak. § 14, imm. 1-2. Aqqusaartitsinermit akisussaasup siumoortumik nalunaarummi allassaavaa killeqarfimmi nakkutilliivimmit sorlermiit inuussutissat nunamik niueqatigisamik qimatsissanersut.

Imm. 7. Aqqusaartitsineq assartuummi allamut usingiarnagit imaluunniit ikioraavimmi sitsiaatumi, suunera ilisimaneqartumi naqissuserneqarsimasumilu pissaaq, taamaalilluni assartuutigineqartoq imaluunniit ikioraavik ammarneqariarpat naqissut aserorneqassalluni. Tunisassiat killeqarfimmi uumasut nakorsaata assartuinissamut naqissusiinerata kingorna usingiarneqassanngilat, agguarneqassanngilat imaluunniit passunneqassanatik.

Imm. 8. Tunisassiat imm. 1-imut ilaasut taamaallaat piffiit killeqarfimmi nakkutilliivimmi tunisassianik pineqartunik nakkutilliinissamut akuerineqarsimasunik pilersitsiviusimasut aqputigalugit nunamit niueqatigisamit anninneqarsinnaapput, tassanga anninneqarnissaat sioqqullugu uppersaataat suunerilu misissorneqassallutik, taamaattoq tak. imm. 9.

Imm. 9. Tunisassiat assigiiannngitsut suujunnaarsikkiartorlugit aamma anninneqarsinnaapput. Nakkutilliinermut oqartussat aatsaat allakkatigut akuersissuteqareernerisigut suujunnaarsikkiartorlugit aatsaat anninneqarnissaat nassiussanut akisussaasup qulakkiissavaa. Nakkutilliinermut oqartussat akuersissummut piunasaqaatinik aalajangersaasinnaapput.

Imm. 10. Tunisassiat imm. 9-mi pineqartut suujunnaarsikkiartorlugit annisinnginneranni pissusai allangortinneqassapput. Suujunnaarsitsineq nakkutilliinermut oqartussanit nakkutigineqarluni pissaaq.

Imm. 11. Suujunnaarsitsinermit atatillugu aningaasartuutit eqqussuisup pisussaaffigai.

Imm. 12. Tunisassiat assigiiannngitsut, nunamut isumaqatigiissutip avataaniittumut anninneqarnissaat siunertaralugu killeqarfimmi nakkutilliivimmut apuuttut, CVED-mik iserfimmi killeqarfimmi nakkutilliivimmit atsiorneqarsimasumik kiisalu uppersaatinik piunasaqaatigineqartunik ingiateqartinneqassarnissaat nassiussanut akisussaasup qulakkiissavaa.

Imm. 13. Tunisassianik misissorneqartussanik tikittoqalerneranik aqqusaartitsinermit akisussaasup killeqarfimmi nakkutilliivik annissiviusussaq allakkatigut nalunaarfigissavaa. Nassiussat killeqarfimmi nakkutilliivimmut annissiviusussamut apuunnissaat nalunaaquttap akunnerinik 48-nik sioqqullugu nalunaarut killeqarfimmi nakkutilliivimmit tigureqareersimassaaq. Nalunaaquttap akunneri taakku 48-t nalunaarutip nalunaarsukkalluunniit tigureneraniit Fødevarestyrelsen nalinginaasumik ammasarfiani naatsorsorneqassapput.

§ 26. Tunisassiat assigiiannngitsut nunamut isumaqatigiissutip avataaniittumut anninneqarnissaat sioqqullugu toqqorsimaneqartussat, kingusinnerusukkut nunani niueqatigisanit tamakkiisumik anninneqarnissaat siunertaralugu taamaallaat toqqorsivimmi akitsuutinik akiliiffiusanngitsumiittumi imaluunniit akitsuuserisut toqqorsivianni toqqorsimanissaat nassiussanut akisussaasup qulakkiissavaa, imaappat:

- 1) tunisassiat nunami isumaqatigissutip avataaniittumi, imaluunniit nunap isumaqatigiissutip avataaniittup immikkoortuani uumasut peqqissuunissaat eqqarsaatigalugu EU-mit akuerineqartumi pileqqaarfearpata nassiunneqarlutillu,
- 2) tunisassiat nunamut niueqatigisamut apuunnerminni, uppersaammik qaqugukkulluunniit pigineqartussat EU-mit aalajangersagaasumik aqqusaarnermi toqqorsimanermilu atorineqartussamik ingiaqateqartinneqarpata,
- 3) killeqarfimmi nakkutilliivimmi, tunisassiat uumasut nakorsaannit misissorneqartussanngorlutik saqqummiunneqarfianni, toqqorsimatitsinissamut imaluunniit assartuinissamut killeqarfimmi uumasut nakorsaannit siumoortumik akuersissummik pissarsisoqarsimappat. Tunisassiat pineqartut toqqorsimatinnissaannut nakkutilliinermut oqartussat akerliunnginnerannut uppersaammik nassiussanut akisussaasup killeqarfimmi uumasut nakorsaannut saqqummiussisinnaanera toqqorsimatitsinissamut akuersissuteqarnissamut piumasaqaataavoq.

Imm. 2. Tunisassianut imm. 1-imut ilaasunut toqqorsimaneqartussanngorlutik nunamit niueqatigisamit allamit Kalaallit Nunaannut tikittunut, killeqarfimmi nakkutilliivimmi, tak. ilanngussaq 2, toqqorsivimmi tunisassiat inissinneqarfigisimasaanni killeqarfimmi uumasut nakorsaannit akuersissut imm.1-imi taaneqartoq pissarsiarineqassaaq.

Imm. 3. Tunisassiat imm. 1-imut ilaasut, § 17 apeqquataatinagu, taamaallaat killeqarfimmi nakkutilliivimmi tunisassiat uumasut nakorsaannut saqqummiunneqarfigisaanni uppersaatinik suunerinillu misissuiffiqineqassapput. Inuit uumasulluunniit peqqissusiannut aarlerinar-toqarsinnaappata, killeqarfimmi uumasut nakorsaat aamma tunisassianik misissuissaaq.

Imm. 4. Nassiussanut akisussaasoq siumoortumik nalunaarummik killeqarfimmi nakkutilliivimmut iserfigisamut nassiussissaaq, tak. § 14, imm. 1-2.

Imm. 5. Toqqorsinermut akisussaasoq tunisassiat assigiiannngitsut tikinnissaat pillugu nakkutilliinermut oqartussanut allakkatigut nalunaarummik nassiussissaaq. Nalunaarut nassiussat nunamut niueqatigisamut tikinnissaat kingusinnerpaamik 48 tiiminik sioqqullugu nakkutilliinermut oqartussanit tiguneqarsimassaaq. Nalunaaquttap akunneri 48-it taakku Fødevarestyrelsen nalinginnaasumik ammasarfiata iluani nalunaarutip nalunaarsukkalluunniit tiguineraniit naatsorsorneqassapput.

Imm. 6. Tunisassianut assigiiannngitsunut, toqqorsivimmut imaluunniit toqqorsivimmiit imaluunniit killeqarfimmi nakkutilliivimmiit umiarsuarmut toqqaannartumik assartorneqartussanut, assartuinerup toqqortarinninnerullu piumasaqaatinik ukununga eqqortitsinissaa nassiussanut akisussaasup qulakkiissavaa:

- 1) Assartuineq assartuummi ikioraavimmiluunniit sitsiaatsumi, suunera ilisimaneqartumi naqissuserneqarsimasumilu allamut usilersuusseqqinnani pissaaq, taamaalilluni assartuutigineqartoq ikioraavilluunniit ammarneqariarpat, naqissusernera aserorneqassaaq.
- 2) Nassiussat uppersaatinik piumasaqaatigineqartunik imaluunniit nassiussat ilaanut ataasiakkaanut taassuma assilineranik ingiaqateqartinneqassapput.
- 3) Nakkutilliinermut oqartussat tunisassiat uppersaataannik suunerinillu misissuereerpata nassiussat toqqorsivimmut aatsaat eqqunneqarsinnaapput. Inuit uumasulluunniit peqqissusiannut aarlerinar-toqarsinnaappata, nakkutilliinermut oqartussat tunisassianik aamma misissuissapput.
- 4) Nassiussat ininut uninngatitsivinnut immikkut ittunut inissinneqassapput, tak. § 40, imm. 2.
- 5) Toqqorsimatitsinermut namminermut, aamma nassiussat poortuutaat peernagit nassiussanut anikinnerusunut agguannerinut pisariaqartut saniatigut nassiussat allatigut passunneqassanngilat.

Imm. 7. Quersuarmi akitsuutinik akiliiffiusannngitsumiittumi imaluunniit akitsuuseriviup quersuani akisussaasup qulakkiissavaa tunisassiat imm. 1-imut ilaasut toqqortat immikkoortui tamarmik erseqqissumik atuaruminartumillu, CVED-p nassiussat quersuarmut eqqunneqarneranni ingiaqataatineqartup normuanik ilisarnaasikkamik nalunaaqutserneqarsimanissaat, taamaalilluni nassiussat immikkoortui tamarmik ataasiakkaat ajornannngitsumik paasineqarsinnaassammata.

Imm. 8. Nassiussat anninneqartinnagit nassiussanut akisussaasup siumoortumik nalunaarut nakkutilliinermut oqartussanut nassitutissavaa, tak. § 14, imm. 1-2.

Imm. 9. Nassiussat toqqorsimaneqarnermik nalaani nassiussanut marlunnut amerlanerusunulluunniit agguarneqarpata, CVED-inik, aallaqqaammut CVED-iusumik innersuussisunik suliarinninnis-saq siunertaralugu, nassiussanut akisussaasooq nassiussat anninneqarnissaat sioqqullugu nassiussat immikkoortui ataasiakkaat tamaasa pillugit siumoortumik nalunaarummik nakkutilliinermut oqartussanut nassiussissaaq, tak. § 14, imm. 1-2. Nassiussat nunamit niueqatigisamit anninneqas-sappata, killeqarfimmi nakkutilliivik sorleq atorlugu tunisassiat nuna niueqatigisaaq qimassaneraat nassiussanut akisussaasup siumoortumik nalunaarummi allassavaa.

§ 27. Tunisassianut assigiiaanngitsunut nassiussanut, quersuarmi akitsuutinik akiliiffiusan-ngitsumi inissisimasumi imaluunniit akitsuuseriviup quersuani toqqorsimatitanut akisussaasup, imm. 10 apeqquataatillugu qulakkiissavaa, nassiussat nunamut isumaqatigiissuttip avataaniittumut anninneqarnissai siunertaralugu nassiussat aatsaat anninneqassasut. Uumasut nakorsaannit misis-suisoqareerpat aatsaat annissisoqarsinnaavoq.

Imm. 2. Tunisassianut assigiiaanngitsunut nassiussanut, nunanit niueqatigisanit anninneqarnissaat siunertaralugu quersuarmit akitsuutinik akiliiffiusanngitsumi inissisimasumit imaluunniit akitsuuse-riviup quersuanit anninneqartussanut akisussaasup qulakkiissavaa, nakkutilliinermut oqartussat akuersissuteqareerpat aatsaat anninneqassasut.

Imm. 3. Imm. 2 malillugu akuersinissamut piumasaaqataavoq, nassiussanik piginnittup nak-kutilliinermut oqartussanut allakkatigut nalunaarutigissagaa tunisassiat ullut 30-t qaangitsuinnagit nunat niueqatigisat qimassagaat, kiisalu nunamit isumaqatigiissuttip avataaniittumit itigartitsisoqas-sagalarpat nunamut niueqatigisamut tuniniagassanngorlugit utertinneqassanngitsut, kisiannili nunamut isumaqatigiissuttip avataaniittumut utertinniarneqassasut.

Imm. 4. Imm. 3 malillugu utertitsineq iluatsinngitsoorpat, taamaattumillu nassiussat nunamut isu-matigissuttip avataaniittumut utertinneqarnissaat siunertaralugu kingumut nunamut niueqatigisamut eqqunneqartariaqarlutik, taamatut utertitsineq ullut 60-it qaangiutsinnagit pissaaq, taamaangippat tunisassiat suujunnaarsinneqassapput, tak. imm. 5.

Imm. 5. Nassiussanik imm. 4-mut ilaasunik nunamut niueqatigisamut eqqussineq taamaallaat pis-innaavoq killeqarfimmi nakkutilliiviit, tunisassianik pineqartunik misissuinissamut akuerisaasut, ilanngussaaq 2-mi pineqartut aqqusaarlugit, taamaallaallu killeqarfimmi nakkutilliivimmi tassani killeqarfimmi uumasut nakorsaata siumoortumik akuersereerneratigut. Tunisassiat nassiunneqarnis-samik imaluunniit suujunnaarsinneqarnissamik tungaannut killeqarfimmi nakkutilliivimmi ima-luunniit killeqarfimmi nakkutilliiviup nunataani tigungmigallarneqassapput, killeqarfimmi uumasut nakorsaannit nakkutigineqarlutik.

Imm. 6. Tunisassiat assigiiaanngitsut taamaallaat piffiit killeqarfimmi nakkutilliiviit inuussutissanik pineqartunik nakkutilliinissamut akuerineqartut pilersinneqarfisimasaat aqqusaarlugit nunanit ni-ueqatigisanit anninneqarsinnaapput, anninneqartinnagit tassani uppersaataat suunerilu misis-sorneqassammata.

Imm. 7. Nassiussanut akisussaasup killeqarfimmi nakkutilliivik, tunisassiat anninneqarfissaattut kissaatigineqartoq tunisassiat misissorneqartussat tikilernerarlugit nalunaarfigissavaa. Nalunaarut nassiussat nunamut niueqatigisamut tikinnissaat kingusinnerpaamik 48 tiiminik sioqqullugu nak-kutilliinermut oqartussanit tigusimaneqassaaq. Nalunaaquttap akunneri 48-it taakku Fødevarestyrel-sip nalinginnaasumik ammasarfiata iluani nalunaarutip nalunaarsukkalluunniit tigungneraniit naatsorsorneqassapput.

Imm. 8. Tunisassianut assigiiaanngitsunut nassiussanut quersuarmit akitsuutinik akiliiffiusan-ngitsumi inissisimasumit imaluunniit akitsuuseriviup quersuaniit anninneqartussanut, akisussaasup qulakkiissavaa, annissineq aatsaat pissasooq tunisassiat uppersaataannik suunerinillu nakkutilli-inermut oqartussat misissuereerpat. Inuit uumasulluunniit peqqissusiannut aarlerinartoqarsinnaap-

pata, imaluunniit pissusissaanngitsumik ittoqarneranik pasitsaassisoqarpat, nakkutilliinermut oqartussat tunisassianik aamma misissuissapput.

Imm. 9. Imm. 1 aamma 8 malillugu annissinerup assartuummi imaluunniit ikioraavimmi sitsiatsumi, suunera ilisimaneqartumi naqissuserneqarsimasumilu allamut usilersuunnagit pinissaa nasiusssanut akisussaasup qulakkiissavaa, taamaasilluni assartuut ikioraavilluunniit ammarneqariarpat naqissusiineq aserorneqassaaq. Tunisassiat uppersaatinik piumasagaatigineqartunik allaqqaa-gaasunik, imaluunniit nassiussat ilaanut ataasiakkaanut taassuma assilineranik ingiaqateqartinneqas-sapput.

Imm. 10. Tunisassiat assigiiannngitsut suujunnaarsikkiartorlugit aamma anninneqarsinnaapput. Tunisassiat assigiiannngitsut nakkutilliinermut oqartussat allakkatigut akuersissuteqareernerisigut aatsaat suujunnaarsikkiartorlugit anninneqarnissaat nassiussanut akisussaasup qulakkiissavaa. Aku-ersissuteqarnermut piumasagaatinik erseqqinnerusunik nakkutilliinermut oqartussat aalajanger-saasinnaapput.

Imm. 11. Tunisassiat suujunnaarsikkiartorlugit anninneqartinnagit pissusaat allannngortinneqas-sapput. Suujunnaarsitsineq pissaaq nakkutilliinermut oqartussanit nakkutigineqarluni.

Imm. 12. Suujunnaarsitsinermut atatillugu aningaasartuutit eqqussuisup pisussaaffigai.

§ 28. Tunisassiat assigiiannngitsut qaqugukkulluunniit CVED-mik ingiaqateqartinneqassapput, CVED-mi immersuiffik 42 akitsuuserisunut uppersaammumt innersuussissaaq.

§ 29. Assartuutit ikioraaviilu tunisassianik kapitalimi maani pineqartunik assartuinermit imaluun-niit toqqorsinermit atorneqarsimasut, tunisassianik assartuinermit toqqorsinermulluunniit kingumut atorneqarnissaat sioqqullugu sukumiisumik eqqiarneqarlutillu tunillannartuiarneqassapput.

Kapitali 7

Umiarsuit allanut usilersuussinissaq siunertaralugu Kalaallit Nunaannut tikittut atorlugit tunisassianik nunanit isumaqatigiissutip avataaniittunit nunanut isumaqatigiissutip avataaniittunut assartuussineq

§ 30. Umiarsuit nunamiit isumaqatigiissutip avataaniittumiit nunamut isumaqatigiissutip avataan-iittumut tunisassianik assartuisut, taamaallaat allamut usilersuussinissaq siunertaralugu Kalaallit Nunaannut tikissinnaapput imaappat:

- 1) umiarsualiveqarfimmi umiarsuit tikiffigisaanni killeqarfimmi nakkutilliivimmik, tunisassianik pineqartunik nakkutilliinissamat akuerisaasumik pilersitsisoqarsimappat,
- 2) tunisassiat nunami isumaqatigiissutip avataaniittumi imaluunniit nunap isumaqatigiissutip ava-taaniittup immikkoortuani uumasut peqqissuunissaat eqqarsaatigalugu EU-mit akuerineqarsi-masumi pileqqaarfeqarpata, aamma
- 3) tunisassiat nunamut niueqatigisamat tikinneranni, uppersaammik EU-p piumasagaataa naap-ertorlugu aqqusaarnermi toqqorsinermilu tamatigut atorneqartussamik ingiaqateqartinneqarpata.

Imm. 2. Imm. 1, nr. 1-imi imaluunniit 2-mi piumasagaatit naammassineqarsimannngippata, nas-siussat killeqarfimmi nakkutilliisunit imaluunniit nakkutilliinermut oqartussanit arsaarinnissutigi-neqassapput, eqqussuisorlu nassiussat utertinneqarnissaannik suujunnaarsinneqarnissaannilluunniit piумаaffigalugu, tak. § 19, imm. 2.

Imm. 3. Assartuinermit akisussaasup, nassiussat siumoortumik nalunaarutiginerisa saniatigut, tak. § 14, imm. 1-2, killeqarfimmi nakkutilliivimmi killeqarfimmi uumasut nakorsaat makku pillugit nalunaarfigissavaa:

- 1) nassiussat usingiarneqarnissaannut piffissaq naatsorsuutigisaaq,
- 2) nuna isumaqatigiissutip avataaniittoq apuuffissaaq,

- 3) nassiussat umiarsuarmut nunamut isumaqatigiissutip avataaniittumut ingerlasussamut toqqaannartumik usilersuunneqanngippata, nassiussat sumiinneri pillugit erseqqissumik paasisutissat, aamma
- 4) nassiussat umiarsuarmut nunamik isumaqatigiissutip avataaniittumik ornitassaqtumut nassiussanik usilersuussinissamut piffissaq naatsorsuutigisaaq.

Imm. 4. Nalunaarut imm. 2-mi pineqartoq nassiussat killeqarfimmi nakkutilliivimmut tikinnissaat kingusinnerpaamik 48 tiiminik sioqqullugu killeqarfimmi nakkutilliivimmit tigusimaneqassaaq. Nalunaaquttap akunneri 48-it taakku Fødevarestyrelsen nalinginnaasumik ammasarfiata iluani nalunaarutip nalunaarsukkalluunniit tigungeraniit naatsorsorneqassapput.

Imm. 5. Killeqarfimmi uumasut nakorsaat, inuit uumasuulluunniit peqqissusiannut aarlerinar-toqarsinnaappat, nassiussat toqqaannartumik allamut usilersuunneqartut imaluunniit umiarsu-aliveqarfimmi sivisunerpaamik ulluni arfineq marlunni usingiagaasimasut uppersaataannik misissuissaaq.

Imm. 6. Nassiussat allamut usilersuussinermut atatillugu piffissamit imm. 4-mi taaneqartumit sivisunerusumik usingiagaasimasut uppersaataannik killeqarfimmi uumasut nakorsaat misissuissaaq. Inuit uumasuulluunniit peqqissusiannut aarlerinar-toqarsinnaappat, killeqarfimmi uumasut nakorsaat nassiussat taakku suunerannik misissuissaaq imaanillu misissuilluni.

Imm. 7. Nassiussanik allamut usilersuussinermut atatillugu ullut 20-t sinnerlugit usingiagaasimasumik killeqarfimmi uumasut nakorsaat uumasut nakorsaatut tamakkiisumik misissuissaaq.

Kapitali 8

Utertitsineq

§ 31. Nassiussanut nunamit isumaqatigiissutip avataaniittumiit Kalaallit Nunaannut utertinneqartussanut akisussaasup, killeqarfimmi uumasut nakorsaat akuersissuteqareernatigut nassiussat aatsaat killeqarfimmi nakkutilliivimmut ingerlassinnaavai. Immersugassaq ilusitut ilanngussaq 7-mi takutinneqartutut ittoq atorlugu qinnuteqartoqassaaq. Immersugassap immersorneqareersup killeqarfimmi nakkutilliivimmi, tunisassiat utertinneqarlutik aqqusaagassaattut toqqarneqartumi killeqarfimmi uumasut nakorsaannut nassiunneqarnissaa nassiussanut akisussaasup isumagissavaa.

Imm. 2. Makku tunuliaqutaralugit imm. 1 malillugu akuersissuteqartoqassaaq

- 1) nunani inuussutissat assartorneqarfiini imaluunniit toqqorsimaneqarfiini uumasut peqqinnissak-kut atugaannik nalilersuineq,
- 2) annissinissamut uppersaataip annissinermi tunisassianut ingiaqataatinneqartup allaqqaarnera, taassuma assilineqarnera nunami isumaqatigiissutip avataaniittumi oqartussanit uppersarneqartoq imaluunniit taassuma assilineqarnera nakkutilliinermut oqartussanit uppersarneqartoq,
- 3) tunisassiat toqqortaritinnissaannut assartornissaannullu piumasaaqatit eqqortinneqarsimaneranut nunami isumaqatigiissutip avataaniittumi oqartussat nalunaarutaat qularnaveeqqusiiisoq, tassanilu erseqqissarneqarsimassalluni tunisassiat itigartitaasut passunneqarsimanngitsut, taamaattoq tak. imm. 3,
- 4) nassiussat oqartussanit itigartinneqarsimappata: itigartitsinermut tunngavilersuut, taamaattoq tak. imm. 3, aamma
- 5) containerit naqissusigaanngitsut atorneqarsimappata: imarisaasa passunneqarsimannginnerannik usingiarneqarsimannginnerannilluunniit suliffeqarfiup angerlaassilluni assartuisup uppersaataa.

Imm. 3. Nassiussanut angerlaallugit assartorneqarnermik nalaani passunneqarsimanngitsunut imaluunniit usingiagaasimanngitsunut imm. 2, nr. 3-4, atuutinngillat.

Imm. 4. Akuersissummut imm. 1-imi pineqartumut piumasaaqatinik Fødevarestyrelsen aalajanger-saasinnaavoq, ilanngullugu nunanit isumaqatigiissutip avataaniittut ilaannit nassiussinissaaq

sioqqullugu inuussutissat poortuutaasa qaavisigut tunillannartuiaasoqarsimaneranik uppernarsaamik nassiussanut akisussaasup saqqummiussinissaa aalajangersarsinnaallugu. Piumasaqaat taanna pingaartumik nunanit isumaqatigiissutip avataaniittunit, uumasut peqqissussaannut atatillugu EU-mit akuerineqarsimanngitsuniit utertitsinernut atuuppoq, nunami pineqartumi uumasut peqqis-susaannut pissutsit pissutigalugit poortuutit tunillannartunik, Kalaallit Nunaanni kissaatigineqanngitsunik mingutsinneqarsimasinnaammata. Tunillannartuiaat, aalisakkanit nioqqutissiani uillunilu uumasuni il.il. peruluutaasunik uumasuutitut napparsimalersitsisinnasunik tunillaasinnaajunnaarsitsisutut akuerisaasooq atorlugu tunillannartuiaasoqassaaq.

§ 32. Tunisassianut § 31 malillugu uumasut nakorsaanit misissorneqartussatut ingerlateqqinnissaannut killeqarfimmi uumasut nakorsaannit akuerineqarsimasunut akisussasooq, akitsuuserivimmi iserfiusumi killeqarfimmi nakkutilliivimmut siumoortumik nalunaarummik nassiussissaaq, tak. § 14, imm. 1-2.

Imm. 2. Nassiussat eqqortumik siumoortumik nalunaarutigineqarsimasut tikiffissatut naatsorsuutigisaq piffissaq sioqqullugu tikippata, umiarsuaq nassiussanik usisoq tulassinnaavoq, piffissarli CVED naapertorlugu tikiffissatut ilimagisaq nallertinnagu nassiussat usingiarneqarsinnaanngillat. Nassiussat containerimiitillugit eqqunneqarpata, containeri umiarsualiveqarfimmi ungalusamut inis-sinneqarsinnaavoq uninngatinneqarlunilu. Piffissaq CVED-mi, imm. 1-imi paasissutissat naapertorlugit tikiffissatut ilimagisaq nallertinnagu containerit ammarneqaqqusaanngillat.

§ 33. Uumasut nakorsaattut misissuineq tunuliaqutaralugu tunisassianik nunamit isumaqatigiissutip avataaneersumiit Kalaallit Nunaannut utertitsinissamut akuersisoqassanersoq killeqarfimmi uumasut nakorsaa aalajangiissaaq.

Imm. 2. Tunisassiat pineqartut toqqortarinerineqarnissaannut nakkutilliinermut oqartussat akerliliisimannginnerat pillugu uppernarsaammik nassiussanut akisussasup killeqarfimmi nakkutilliisunut saqqummiussinissaa akuersissuteqarnissamut piumasaqaataavoq.

Imm. 3. Akuersissummut piumasaqaatit erseqqinnerusut killeqarfimmi uumasut nakorsaata aalajangersassavai, inuussutissat assartuummut allamut usilersuunnagit imaluunniit ikioraavimmut sit-siaattumut, suunera ilisimaneqartumut naqissuserneqarsimasumullu ikillugit assartorneqarnissaat ilanngullugu, taamaalilluni assartuutigineqartoq ikioraavilluunniit ammarneqariapat, naqissusiineq aserorneqassalluni. Nassiussanut akisussaasup suliffeqarfimmi apuuffissami nioqqutissanik utertinneqartunik immikkut ittumik misissuinissaanut, nioqqutissanillu utertinneqartunik misissuineq pillugu nalunaarusiamik nakkutilliinermut oqartussanut nassiussinissaanik piumasaqaatit killeqarfimmi uumasut nakorsaata aamma aalajangersarsinnaavai. Tunisassiat utertinneqartut aatsaat nakkutilliinermut oqartussat tamatumunnga akuersinerminnik nalunaaruteqarpata atorneqarsinnaapput imaluunniit tunniunneqarsinnaallutik.

§ 34. Kalaallit Nunaat aqqusaarlugu nunamut niueqatigisamut allanut utertitsinernut §§ 31-33 aamma atuupput. Uppernarsaat, tak. § 33, imm. 2, nunami niueqatigisami nassiussat utertinneqarfissaattut kissaatigisami oqartussatut piginnaatitaasunut piniarneqassaaq.

Imm. 2. Kalaallit Nunaat aqqusaarlugu nunamut niueqatigisamut utertitsinissamut akuersissuteqarnissamut piumasaqaataavoq, nunami tigusissusami oqartussat piginnaatitaasut eqqusseqqinnissamut akuersisimaneranik killeqarfimmi uumasut nakorsaannut allakkatigut siumoortumik nalunaaruteqarnissaat nassiussanut akisussaasup sulissutigissagaa.

Imm. 3. Nassiussanut akisussaasup nakkutilliinermut oqartussat siumoortumik akuersissuteqareer-nerisigut nassiussanut akisussaasup nunamit isumaqatigiissutip avataaniittumit nassiussat nuna niueqatigisaq alla aqutugalugu Kalaallit Nunaannut taamaallaat utertissinnaavai.

Imm. 4. Imm. 3 malillugu akuerineqarnissamut qinnuteqaat immersugassaq ilanngussaq 4-mi takutinneqartutut ilusiligaq atorlugu pissaaq. Killeqarfimmi nakkutilliivik sorleq atorlugu nassiussat eqquteqqinneqarnissaat kissaataanersoq pillugu paasissutissanik qinnuteqaat ilaqartinneqassaaq.

Immersugassap immersorneqarsimasup killeqarfimmi nakkutilliivimmut, nassiussat utertinneqarfissaattut kissaatigineqartumut nassiunneqarnissaa nassiussanut akisussaasup isumagissavaa.

§ 35. Nassiussanut oqartussanit itigartinneqarsimasunut akisussaasup, nakkutilliinermut oqartussat siumoortumik akuersissuteqareernerisigut, nassiussat nunamit niueqatigisamit allamiit Kalaallit Nunaannut utertissinnaavai.

Imm. 2. Immersugassaq ilanngussaq 4-mi ilusiliussatut isikkoqartoq atorlugu qinnuteqaateqartoqassaaq. Immersugassap immersorneqarsimasup nakkutilliinermut oqartussanut nassiunneqarnissaa nassiussanut akisussaasup isumagissavaa.

Imm. 3. Nakkutilliinermut oqartussat tunisassiat utertinneqarsinnaanerannut akuersinertik nalunaarutigippassuk, nassiussanut akisussaasup nassiussat nakkutilliinermut oqartussanut siumoortumik nalunaarutigissavai, tak. § 14, imm. 1-2.

Imm. 4. Suliffeqarfimmi tigusisumi tunisassianik utertinneqartumik misissuisoqarsimanera pillugu nalunaarusiap nakkutilliinermut oqartussanut nassiunneqarnissaa nassiussanut akisussaasup qulakkiissavaa.

Imm. 5. Nassiussanut akisussaasup tunisassiat imm. 1-imi pineqartut, nakkutilliinermut oqartussat siumoortumik akuersissuteqarsimangippata, atussanngilai imaluunniit tunniutissanagit.

Kapitali 9

Misiligutit (nalinginnaasumik)

§ 36. Tunisassianik nunanit niueqatigisanit allaneersunik immikkut ittumik misissuinissat imaluunniit nalilersueqqissaarnissaaq, nappaatit suunerinik paasiniaanissaaq, ilinniartitsineq, ilisimatusarneq, saqqummiussinermi atorneqartussanik imaluunniit saqqummersitsinerni sinniisoqarfinniluunniit saqqummersitsinerni atuinissaaq imaluunniit oqattaarutissanik siunertaqarluni nioqqutissanit misiligutissanik eqqussineq taamaallaat pisinnaavoq nakkutilliinermut oqartussat siumoortumik akuersissuteqareernerisigut.

Imm. 2. Tunisassianik imm. 1-imi taaneqartunik nunanit isumaqatigiissutip avataaniittunit eqqusinissamut akuersissummut piumasarineqarpoq nioqqutissanut pineqartunut nassiussanut akisussaasup tulliuuttut uppersarsinnaassagai

- 1) nunami isumaqatigiissutip avataani imaluunniit nunami isumaqatigiissutip avataaniittup ilaani uumasut peqqissuunissaat eqqarsaatigalugu EU-mit akuerineqarsimasumi pileqqaarfeqartoq, aamma uumasut peqqissuunerat pissutigalugu eqqussineq inerteqqutaanngitsoq imaluunniit
- 2) minnerpaamik 3,00-mik F_0 —mik naleqartumi silaannaarlugu matuneqarsimasumi kissartumik suliarineqarsimasooq.

Imm. 3. Tunisassianik imm. 1-imi taaneqartunik nunanit isumaqatigiissutip avataaniittunit eqqusinissamut akuersissummut piumasarineqarpoq nassiussanut akisussaasup ilaatigut nuna pileqqaarfiat uppersarsinnaassagaa, ilaatigulu uumasut peqqissuunerat eqqarsaatigalugu nunap isumaqatigiissutip avataaniittup EU-mit akuerneqarsimanissaa, kiisalu uumasut peqqissuunissaat eqqarsaatigalugu nunamit isumaqatigiissutip avataaniittumiit eqqussinissaaq inerteqqutaanngitsoq uppersarsassallugu.

Imm. 4. Imm. 1 malillugu tunisassianut nunanit isumaqatigiissutip avataaneersunut akuersissuteqartoqassanngilaq, inuit uumasulluunniit peqqissuunerannut aarlerinartoqarneranik pasitsaas-saqarneq imaluunniit paasisaqarnerup malitsigisaanik tunisassiat pineqartut killilersuiffigineqalersimappata, tak. uumasunit pisunik inuussutissanik immikkut killilersuiffigineqartunik eqqussineq pillugu Kalaallit Nunaannut nalunaarut (killilersuineq pillugu nalunaarut).

Ilisimatusarnermut nappaammillu suussusersiinnermut misiligutissat

§ 37. Tunisassiat, nunanit isumaqatigiissutip avataaneersunit eqqunneqartut, ilisimatusarnermut nappaammillu suussusersiinnermut atugassatut aalajangigaasut, Nuummi killeqarfimmi nakkutilliivik aqputigalugu Kalaallit Nunaannut eqqunneqassapput, tassani eqqussinissamut akuersissut misiligutissallu killeqarfimmi uumasut nakorsaannut nassiussanut akisussaasup takutissammagit.

Imm. 2. Nassiussanut, tak. imm. 1, misiligutit nunanut niueqatigisanut apuunnissat kingusinnerpaamik nalunaaquttap akunnerinik 48-inik sioqqullugu, nassiussanut akisussaasup killeqarfimmi uumasut nakorsaannut siumoortumik nalunaaruteqassaaq. Nalunaaquttap akunneri taakku 48-it nalunaarutit imaluunniit nalunaarsukkat tigungeraniit Fødevarestyrelsen nalinginnaasumik ammasarfiata nalaani naatsorsorneqassapput.

Imm. 3. Nassiussanut akisussaasup misiligutissaq killeqarfimmi nakkutilliivimmiit apuuffissatut akuerineqartumut toqqaannartumik nassiutissavaa.

Imm. 4. Nassiussanut akisussaasup qulakkiissavaa ilisimatusarnermut nappaammillu suussusersiinnermut misiligutissat, kiisalu misiligutissat pineqartut atorneqarnerinut atatillugu tunisassiat pilerinneqartut atorneqarnerisa kingorna, poortuutai ilanngullugit

- 1) siunertamut innersuussilluni toqqorneqarsimassasut
- 2) nunamut isumaqatigiissutip avataaniittumut pileqqaarfiusumut utertinneqassasut, imaluunniit
- 3) ikuallallugit eqqakkatut iginneqassasut

Misiligutit saqqummersitsinerni, sinniisoqarfinni imaluunniit nioqqutissanik misiligutit saqqummersinneqartut

§ 38. Tunisassianik saqqummersitsivinni imaluunniit sinniisoqarfinni saqqummersitsinissaq siunertaralugu nunanit isumaqatigiissutip avataaniittunit § 36 malillugu eqqussinissamut aatsaat akuersissuteqartoqassaaq saqqummersitassat pillugit immikkut ittunik piunasaqaatit ilanngussaq 7-mi allaaserineqartut naammassineqarpata, ilanngullugu niuerneq pillugu uppenarsaatinik ingiaqateqartinneqarpata.

Imm. 2. Tunisassianik nioqqutissanik misiligutissatut nunanit isumaqatigiissutip avataaniittunit § 36 malillugu eqqussinissamut aatsaat akuersissuteqartoqassaaq, nioqqutissat misiligutissat pillugit immikkut ittumik aalajangersakkat ilanngussaq 8-mi allaaserineqartut naammaasineqarpata, ilanngullugu peqqissutsimut uppenarsaammik immersorneqarsimasumik ingiaqateqartinneqarpata, tak. ilanngussaq 9.

Imm. 3. Tunisassiat nunanit isumaqatigiissutip avataaneersunit eqqunneqartut, saqqummersitsinernilu imaluunniit sinniisoqarfinni saqqummersitsinissamut imaluunniit nioqqutissanut misiligutissatut atugassaasut, Nuummi killeqarfimmi nakkutilliivik aqputigalugu Kalaallit Nunaannut eqqunneqassapput, tassani misiligutissat uumasut nakorsaannit misissorneqassammata, nunami niueqatigisamut eqqunnissat sioqqullugu.

Imm. 4. Tunisassianut imm. 1-imut ilaasunut akisussaasup akitsuuserivimmi eqqussiviusumi killeqarfimmi nakkutilliisumut siumoortumik nalunaarummik nassiussissaaq, tak. § 14, imm. 1-2.

Imm. 5. Uumasut nakorsaat misissuinnerminik naammassiinnartorlu nassiussanut akisussaasup nioqqutissat misiligutissat aqputissiulluni eqqutatut apuuffissatut akuerineqartumut ingerlaannaq nassiutissavai, tak. § 17, imm. 4.

Imm. 6. Uumasut nakorsaat misissuinnerminik naammassiinnartorlu, nassiussanut akisussaasup misiligutissat, saqqummersitsinermi sinniisoqarfinniluunniit saqqummersitassatut atugassat, apuuffissatut akuerineqartunut ingerlaannaq nassiutissavai.

Imm. 7. Saqqummersitassat pillugit ilanngussaq 7-mi piunasaqaatit eqqussisup eqqortissavai.

Imm. 8. Nioqqutissat misiligutissat pillugit ilanngussaq 8-mi piunasaqaatit eqqussisup eqqortissavai.

Kapitali 10

Quersuarni akitsuutinik akiliiffiusanngitsuniittunik akitsuuseriviillu quersuinik tunisassianik assigiiannngitsunik toqqorsinissamut atugassanik uumasut nakorsaasa toqqaanerat

§ 39. Suliffeqarfinnik piginnittut, quersuarni akitsuutinik akiliiffiusanngitsuniittuni imaluunniit akitsuuseriviit quersuini tunisassianik assigiiannngitsunik toqqorsimatitsinissamut suliffeqarfimmi ininik atuerusuttut, init taakku Fødevarestyrelsimi uumasut nakorsaannit toqqagaasimanissaat qulakkiissavaat. Uumasut nakorsaata toqqaanera taamaallaat tunisassianut suliffeqarfiup akitsuuserinermut akuersissutaanut ilaasunut tunngasuuvoq.

Imm. 2. Immersugassaq, tak. ilusiliussaq ilanngussaq 5-imi takutinneqartoq, atorlugu Fødevarestyrelsimut imm. 1 malillugu toqqaasoqarnissaa qinnuteqaatigineqassaaq. Namminersorlutik Oqartussani Aningaasaqarnermut Naalakkersuisoqarfimmi Akileraartarnermut Aqutsisoqarfimmiit akuersissutip assilinera qinnuteqaammut ingiaqataatinneqassaaq.

Imm. 3. Inimik naammattumik angissuseqartumik sulisunut uumasut nakorsaattut nakkutilliinermik isumaginnittunut atugassanngortitsisoqarsimaneranik uppernarsaat qinnuteqaammut ilanngunneqassaaq. Ini sulisunut taakkunnga immikkut atugassarititaassaaq.

Imm. 4. Suliffeqarfinnik § 39, imm. 1-imi taaneqartunik piginnittut qulakkiissavaat, ini § 39, imm. 3-mi taaneqartoq minnerpaamik ukuninnga peqassasoq:

- 1) oqarasuaat,
- 2) telefaksi,
- 3) qarasaasiaq TRACES-imik nalunaarutit tigusissaannut nassiunnissaannullu atugassaq, aamma
- 4) allaffimmi atortut naleqquttut allat.

Imm. 5. Quersuarnik uumasut nakorsaannit toqqarneqartunik imm. 1-imi taaneqartunik piginnittut qulakkiissavaat, illutaasigut annertuumik allannguisoqarpat, quersuaq nutaamik toqqarneqarqittussaammat.

§ 40. Toqqorsiviit akitsuutinik akiliiffiusanngitsuniittut akitsuuseriviillu toqqorsivii, Fødevarestyrelsimi tunisassianik assigiiannngitsunik toqqorsivissatut toqqarneqartut, ininik toqqorsivinik immikkuullarissunik tunisassianut assigiiannngitsunut immikkut atugassanngortitaasunik peqassapput.

Imm. 2. Suliffeqarfinnik § 39, imm. 1 malillugu toqqarneqartunik piginnittut tunisassianik quersuarmut eqqunneqartunik quersuarmillu anninneqartunik ullukkaartumik nalunaarsuissapput. Nalunaarsukkat ukiuni ikinnerpaani tallimani quersuarmi pigineqartussat, minnerpaamik paasisutissanik makkuninnga imaqaassapput:

- 1) Tunisassianut quersuarmut eqqunneqartunut:
 - a) tunisassiat quersuarmut eqqunneqarneranni ulloq,
 - b) tunisassiat suuneri,
 - c) tunisassiat kiilunngorlugit/literinngorlugit annertussusaat,
 - d) nuna pileqqaarfiat,
 - e) killeqarfimmi nakkutilliivik eqqussiffik, aamma
 - f) tunisassiat quersuarmut eqqunneqarneranni CVED-p ingiaqataatinneqartup normua
- 2) Tunisassianut quersuarmut anninneqartunut:
 - a) tunisassiat quersuarmut anninneqarneranni ulloq,
 - b) tunisassiat suuneri,
 - c) tunisassiat kiilunngorlugit/literinngorlugit annertussusaat, aamma
 - d) tunisassiat quersuarmut anninneqarneranni CVED-p ingiaqataatinneqartup normua.
- 3) Tunisassianut, nunamut isumaqatigiissutip avataaniittumut anninneqarnissaat siunertaralugu quersuarmut anninneqartunut ilanngullugit nunap isumaqatigiissutip avataaniittup apuuffissap aqqa killeqarfimmilu nakkutilliiviup anninneqarfiusup sumiiffia.

4) Tunisassianut suujunnaarsinneqarnissaat siunertaralugu quersuarmit anninneqartunut ilanngullugu ikuallaaviup aqqa najugaalu

Imm. 3. Suliffeqarfimmik § 39, imm. 1 malillugu toqqarneqartumik piginnittut nikippata, piginnaatitsissummili imaluunniit akuersissummi normu allanngortinnagu suliffeqarfiup ingerlanneqarnera nangingneqarluni, piginnittut nikinnerat apeqqutaatinnagu imm. 1 malillugu pisussaaffik ingerlaannassaaq.

§ 41. Quersuit akitsuutinik akiliiffiusanngitsuniittut akitsuuseriviillu quersuunik toqqaasimaneq Fødevarestyrelsimit allanngortinneqarsinnaavoq imaluunniit utertinneqarsinnaalluni, quersuaq imaluunniit quersuarmik piginnittup piumasagaatit kapitalimi matumani allanneqarsimasut eqqortinngippagit.

Kapitali 11

Naqissusiineq

§ 42. Oqartussanit piginnaatinneqartunit allaanerusut pisortatigoortumik naqissusiinermik ase-ruinissaat inertequtaavoq.

Kapitali 12

Immikkut ittumik akuersissuteqarnissamut aalajangersakkat

§ 43. Tunisassianik, tak. § 1, imm. 2, eqqussinissaq inertequtaagaluartoq, Fødevarestyrelsi erseqqinnerusunik taaneqartunik piumasagaateqarluni eqqussinissamut akuersissuteqarsinnaavoq. Piumasagaatit eqqussinermut akuersinermut tunngavigineqartut ukunani takuneqarsinnaapput: Saniatigut tunisassiat uumasunit pisut taakkunangalu tunisassiat, inuussutissatut naatsorsuussaangitsut, aamma peqqussutip (EF) nr. 1774/2002-p (saniatigut tunisassiat uumasunit pisut pillugit peqqussutip) atorunnaarsinneqarnissaa pillugu Europa-Parlamentip Rådillu peqqussutaat (EF) nr. 1069/2009-imi, aamma saniatigut tunisassiat uumasunit pisut tunisassiallu taakkunanga pisut inuussutissatut naatsorsuussaangitsut pillugit peqqissutsikkut aalajangersakkat pillugit Europa-Parlamentip Rådillu peqqussutaata (EF) nr. 1069/2009-p naammassineqarnissaa pillugu, aamma misiligutit atortullu ilaat, peqqussummi tassani pineqartut killeqarfimmi uumasut nakorsaannit misissorneqartussaangitsut pillugit Rådip peqqussutaata naammassineqarnissaa pillugu Kommissionip peqqussutaa (EU) nr. 142/2011, 25. februar 2011-meersumi.

Imm. 2. Akuersissuteqarfigineqarnissamut qinnuteqaat uunga saaffiginniissutaassaaq: Fødevarestyrelsen, Dyresundhed, Stationsparken 31-33, DK-2600 Glostrup, Tlf. +45 72 27 69 00.

Imm. 3. Qinnuteqaat imatut nassiunneqassaaq, eqqussinissaq kingusinnerpaamik nalunaaquttap akunnerinik 72-inik sioqqullugu qinnuteqaat Fødevarestyrelsimit tiguneqarsimassalluni. Nalunaaquttap akunneri 72-it taakku nalunaarutip imaluunniit nalunaarsukkat tigungneraniit Fødevarestyrelsip nalinginnaasumik ammasarfiata iluani naatsorsorneqassapput.

Imm. 4. Aalisarnermut neqitassanik nassiussanut akisussaasup qulakkiissavaa, nassiussat ilanngussa 6-imi piumasagaatinik aatsaat naammassinnippata nunanit isumaqatigiissutip avataaneersunit eqqunneqarsinnaasut.

Imm. 5. Imm. 4 naapertorlugu eqqussisoqarsinnaavoq Fødevarestyrelsimit akuersissuteqanngitsumik.

§ 44. § 43-mi piumasagaatit naammassineqarsimappata, Fødevarestyrelsi aalajangersakkanit tul-
liuttunit immikkut akuersissuteqarsinnaavoq:

- 1) § 10, imm. 1, taamaalilluni nassiussat uumasut nappaataannik napparsimalersitsisinnaasunik nassaarfiginerat pissutigalugu piffissap aalajangersarneqarsimasup qaangiutinnginnerani suujunnaarseqquneqartut suliffeqarfimmi akuerisaasumi kissartumik sularineqarnissaat akuerineqarsinnaalluni, taamatut iliornikkut tunisassiami napparsimalissutaasinnaasut susinnaajunnaarsinneqassammata.
- 2) § 21, imm. 1, taamaalilluni nassiussat uumasut nappaataannik napparsimalersitsisinnaasunik nassaarfiginerat pissutigalugu piffissap aalajangersarneqarsimasup qaangiutinnginnerani suujunnaarseqquneqartut suliffeqarfimmi akuerisaasumi kissartumik sularineqarnissaat akuerineqarsinnaalluni, taamatut iliornikkut tunisassiami napparsimalersutaasinnaasut susinnaajunnaarsinneqassammata.
- 3) § 36, imm. 4, taamaalilluni nioqqutissaq misiligutissaq uumasut peqqissusaasigut nalilersuereernikkut kingorna nalilersueqqissaarnissamut ilisimatusarnermulluunniit atugassatut eqquneqarsinnaalluni, nioqqutissap misiligutissap nunami niueqatigisami imaluunniit nunami nunat niueqatigisat avataanniittumi killilersuiffigineqartumi pileqqaarfeqarnera apeqqutaatinagu, tak. killilersuineq pillugu nalunaarut.

Imm. 2. Nakkutilliinermut oqartussat aalajangersakkanit tulliuuttunit immikkut akuersissuteqarsinnaapput:

- 1) § 9, imm. 3, taamaalilluni nassiussat piffissap aalajangersarneqarsimasup qaangiutinnginnerani uterteqquneqartut imaluunniit suujunnaarseqquneqartut suliffeqarfimmi akuerisaasumi kissartumik sularineqarnissaat akuerineqarsinnaalluni, taamatut iliornikkut nassiussani tunisassiat aalajangersakkanik atuuttunik naammassinnilissammata.

Imm. 3. Killeqarfimmi uumasut nakorsaat aalajangersakkanit tulliuuttunit immikkut akuersissuteqarsinnaavoq:

- 1) § 16, taamaalilluni paasissutissat elektronik atorlugu killeqarfimmi uumasut nakorsaaannit pilsarsiarineqarsinnaappata, umiarsuit killeqarfimmi nakkutilliivimmuut qaqugukkut tikinnissaat pillugit naatsorsuutigisat allattuiffiannik umiarsualiviit nassiussisariaqarnatik.
- 2) § 19, imm. 2, taamaalilluni nassiussat piffissap aalajangersarneqarsimasup qaangiutinnginnerani uterteqquneqartut imaluunniit suujunnaarseqquneqartut suliffeqarfimmi akuerisaasumi kissartumik sularineqarnissaat akuerineqarsinnaalluni, taamatut iliornikkut nassiussani tunisassiat aalajangersakkanik atuuttunik naammassinnilissammata.
- 3) § 31, imm. 2, nr. 3, taamaalilluni nalunaarut quersuup nassiussat toqqortarineqarfigisaata akuerisaanera nunamilu isumaqatigiissutit avataanniittumi oqartussaasunit nakkutigisaanera pillugu nalunaarummik nalinginnaasumik taarserneqarsinnaalluni.

Kapitali 13

Pineqaatissiinermut atuutilersitsinermullu aalajangersakkat il.il.

§ 45. Inatsisit allat malillugit sakkortunerusumik pineqaatissinneqarluni pisuutitaasoqanngippat makkuninnga unioqqutitsisoq akiliisitaasinnaavoq:

- 1) § 1, imm. 2-mik, §§ 3, imm. 1-5-imik, § 4-mik, § 5, imm. 1-2-mik, § 6-imik, § 7, imm. 1-imik, § 9, imm. 8-mik, § 10, imm. 6-mik, § 11-mik, § 12, imm. 1-imik, § 13, imm. 1-imik imaluunniit 2-mik, § 14, imm. 1-mi oqaaseqatigiinnik siullernik aappaannillu, imm. 2-4-mik imaluunniit imm. 5, oqaaseqatigiit siulliannik, aappaannik imaluunniit sisamaannik, §§ 15-16-mik, § 17, imm. 3-mik, § 19, imm. 6-imik imaluunniit 9-mik, § 21, imm. 4-mik, § 22-mik, § 23, imm. 3-5-mik, § 24-mik, § 25, imm. 1-mik, imm. 3-mik, imm. 4-mi oqaaseqatigiinnik siullernik, imm. 6-8-mik, imm. 9-mi oqaaseqatigiit aappaannik, imm. 10-mik, imm. 12-imik imaluunniit imm. 13-mi oqaaseqaatigiinnik siullernik aappaannillu, § 26, imm. 1-imik, imm. 4-mik, imm. 5-mi oqaaseqatigiinnik siullernik aappaannillu, imaluunniit imm. 6-9-mik, § 27, imm. 1-2-mik, imm. 4-mik, imm. 5-mi oqaaseqatigiinnik siullernik, imm. 6-mik, imm. 7-mik oqaaseqatigiinnik siul-

lernik aappaannillu, imm. 8-mi oqaaseqatigiinnik siullernik, imm. 9-mik, imm. 10-mi oqaaseqatigiit aappaannik imaluunniit imm. 11-mik, §§ 28-29-mik, § 30, imm. 1-mik, imm. 3-mik imaluunniit imm. 4-mi oqaaseqatigiinnik siullernik, § 31, imm. 1-mik, § 32-mik, § 34, imm. 3-4-mik, § 35-mik, § 36, imm. 1-imik, § 37, imm. 2-mi oqaaseqatigiinnik siullernik, imaluunniit imm. 3-4-mik, § 38, imm. 3-8-mik, § 39-mik, § 40, imm. 1-2-mik § 42-mik imaluunniit § 43, imm. 4-mik,

- 2) aalajangiinernik peqqusinernilluunniit § 9, imm. 1, oqaaseqatigiit aappaat, imm. 3 imaluunniit imm. 4, oqaaseqatigiit aappaat, § 10, imm. 2-3, § 12, imm. 2, oqaaseqatigiit siulliit, § 19, imm. 1, oqaaseqatigiit aappaat, imm. 2, imm. 3-mi oqaaseqatigiit siulliit imaluunniit oqaaseqatigiit pingajui, imaluunniit imm. 4-mi oqaaseqatigiit aappaat, § 21, imm. 1, imm. 2 imaluunniit imm. 8, § 23, imm. 2, § 30, imm. 2 imaluunniit 33 imm. 1 malillugit aalajangerneqartunik malinninnitsoq, imaluunniit
- 3) piunasaqaatinik § 9, imm. 5, § 10, imm. 5, § 12, imm. 2-mi oqaaseqatigiit aappaat, § 19, imm. 5, § 21, imm. 3 imaluunniit imm. 5, § 25, imm. 9-mi oqaaseqatigiit pingajuat, § 27, imm. 10-mi oqaaseqatigiit pingajuat, § 31, imm. 4, imaluunniit § 33, imm. 3 malillugit aalajangersarneqartunik saneqqutsisoq.

Imm. 2. Ingerlatseqatigiiffiit il.il. (inatsisitigut pisinnaatitaasut pisussaataitaasullu) imm. 1 malillugu akiliisitaasinnaapput.

§ 46. Nalunaarut ulloq 25. april 2014 atuutilersinneqarpoq.

Fødevarestyrelsi, ulloq 15- april 2014

ESBEN EGEDE RASMUSSEN

/ Jan Thiele